

善本書室藏書志

善本書室藏書志卷三十七

錢塘丁丙松生甫輯

集部十六

儼山文集一百卷外集四十卷續集十卷附兼葭堂稿十卷

嘉靖刊本

書崖藏書

門生黃標校編附稿陸揖思豫著

明陸深撰深字子淵上海人宏治乙丑進士官詹事府詹事致仕謚文裕明史入文苑傳少與徐禎卿切磋爲文章名於時嘗仿李北海趙承旨品隲古今賞鑑書畫冠於藝林嘉靖丙午同郡徐階撰序稱公之志毅然以經濟自許在翰林在國子則數上書言事督學於晉參藩於楚旬宣於蜀則皆有功德於其土民而世獨稱公爲文章之宗匠豈以彼而掩此乎又費家序文徵明後序外集前有郡人徐獻忠序爲傳疑錄二卷河汾燕間

錄二卷春風堂隨筆一卷聖駕南巡日錄大駕北還錄淮風日記南陔日記知命錄各一卷金臺紀聞二卷經豐堂漫書溪山餘話各一卷玉堂漫筆二卷停驂錄續停驂錄四卷科場條貫一卷豫章漫鈔四卷中和堂隨筆二卷史通會要三卷平湖錄一卷春雨堂雜鈔一卷同異錄一卷蜀都雜鈔古奇器錄各一卷書輯三卷續集則唐錦爲序稱公子太學生輯字思豫發所藏稿編成百卷外集四十卷登諸文梓復搜散佚隨遇劄錄編爲續集十卷陸師道跋其後附兼葭堂十卷子輯著郡人莫如忠序云豫章故許州里業冠棘闌卒年纔三十有八所存芻草詩文若干首輯自其子臺幕君郊梓焉此本前有陳昂之印書崖珠澤陳氏秘笈諸印

女白山人漫稿八卷補遺一卷附錄一卷

崇禎刊本

吳興周道仁以修訂

明孫一元撰一元字太初關中人自號太白山人嘗與建業劉麟龍霓及湖之吳琬陸崑結雅社號菖溪五隱年三十七逝劉麟先爲墓誌銘次爲墓表北郡李夢陽及殷雲霄爲傳詩非庸以前則不顧凡可喜可愕可悲可嘆一發之於詩豪縱恣肆時出蹊徑正德戊寅晉安鄭善夫棠陵方豪序其稿初刻惟張氏本最善歲久零落崇禎乙卯吳興周中度覓得原本校以陽湖本重刻之四庫提要云八卷之末尙標有補遺若干首而卷內無之豈當時有志搜訪而未得歟此本有之有赤堇山人印東洲初稿十四卷

嘉靖刊本

門人瀕池羅江編

明夏良勝撰良勝字于中南城人正德戊辰進士官吏部郎中議大禮被杖削籍後官南京太常寺少卿良勝以一再批鱗謫籍重在風節餘在文章而千頃堂書目載東洲初稿十二卷又

六奏狀卷七郡志略家譜略卷八詩卷九攷定皇極指掌諸圖

卷十天文便覽正德己巳自識庚午自序以下四卷皆題仕止

隨錄其十一卷爲北瞻十二卷爲南歸則雜錄諫南巡下獄疏

奏詩文及同人投贈伸救之作三十四卷雜錄家居詩文前

有正德十四年舒芬序又萬潮序又十五年曾漢序次嘉靖甲

申安成鄒守益南歸錄敘其一至十卷尾皆有建昌府推官危

德校刊一條十一十二卷尾有門人南城朱揮校正門人黔陽

危岳同校二條三十四兩卷末限於紙不刻細按卷一至十

乃正德丙子丁丑良勝守建昌時所梓故有推官危德校刊之

字十一一二一爲北瞻一爲南歸爲官郎中時所梓尾有門人朱

揮校正之字此十二卷當爲初稿千頃堂書目所稱詩八卷者

乃第八卷爲詩非詩爲八卷也三十四兩卷則家居所作台

前編而益之爲初稿耳

烏鼠山人小集十六卷

嘉靖刊本

明胡纘宗撰纘宗字孝思一字世甫泰安人正德戊辰進士累官至右副都御史巡撫山東改理河道永陵南巡嘗作紀事云穆王八駿空飛電湘竹英皇淚不磨爲戶部主事王聯所訐下獄嚴嵩力救乃杖三十遣歸年將八十病杖創甚呻吟間猶口占韻語集一名可泉集有嘉靖間相臺崔統吳邵伍餘福吳邵顧夢圭古閩王慎中嵩洛李濂無錫邵寶門人歸仁袁裘諸序跋

戴氏集十二卷

嘉靖刊本 振琦堂藏書

奉直大夫知信陽州吉水安崖張魯校刊

明戴冠撰冠字仲鵬一字寔谷信陽人正德戊辰進士官至山東提學副使與何仲默同鄉詩亦同調仲默名滿天下仲鵬人

罕知之其有幸不幸歟嘉靖己亥信陽知州桂林任仲幹捐刊
二卷自爲一序二十七年同鄉張魯亦官信陽再索遺稿重刻
之魯有後識有承雅堂藏書陳子書崖手閱善本汪魚亭藏閱
書諸印

升庵先生文集八十一卷

萬應刊本

成都楊慎著從子有仁編輯

慎字用修新都人七歲能作擬古戰場文正德辛未會試第二
廷試第一授翰林脩撰嘉靖甲申七月兩上議大禮疏率羣臣
撼奉天門大哭廷杖斃而復甦謫戍雲南永昌衛三十餘年卒
於戍所年七十有二著述最富詩文集外凡百餘種皆盛行於
世萬曆中四川巡按平原宋仕檄藩司求之其家得若干卷稍
加釐訂自一卷至四十卷爲賦序記論書誌銘祭文跋贊詞傳
與各體詩自四十一卷至八十一卷皆諸經訓釋及百家雜語

取諸丹鉛輯錄譚苑醍醐卮言等書名之曰太史升庵文集刻之蜀中有宋仕及張士佩二序

太史升庵集二十六卷

舊鈔本

成都楊慎著孫金吾宗吾輯

慎天啓初追謚文愷千頃堂書目載文集二十一卷又合併集二十卷又升庵遺集二十六卷又升庵詩五卷又南中集七卷又七十行成稿一卷又歸田集又晚秀集又升庵長短句四卷又升庵外集一百卷又續升庵集二十卷又升庵詩選二卷此遺集前有萬曆丙午四川布政使丹陽湯日昭序云先生舊刻七種行於世似應復有遺者其裔乃更出一帙以示同志王公博雅宏碩尚友先生卽一言一字之遺不忍使之不傳乃屬目昭壽之梓集凡二十六卷爲詩文二十八體皆前諸刻所不載

者以是先生之蘊真有當年不可窮累世不能殫者矣則此書亦稀覯之本

桃川剩集二卷

舊鈔本

鳴埜山房藏本

四川按察司僉事王廷表著

廷表字民望號鈍庵阿迷州人幼警悟有奇童稱甲戌成進士除台州推官平反明恕問閭有青天之號徵授刑部主事嘉靖初擢四川按察僉事以任秋官時勦總兵种勦賂中貴事眾銜之勒致仕歸而父母兄弟俱存治桃川景雲別業娛親課弟阿迷水少潛使通川楊慎謫瀕居安甯形影相弔時相慰籍建館迎而居之御史劉渠趙炳然交薦不起嘉靖甲寅疾歿年六十五楊慎錄其遺集爲文一卷詩一卷有鳴埜山房印

東廓鄧先生文集十二卷

舊鈔本

明鄧安益撰字經堂臨之安福人正德辛未進士官至南京國

子監祭酒陸慶初追謚文莊世宗欲去興獻帝本生之稱守益疏諫下獄拷掠嘉靖二十九年九廟災又疏陳上下交修之道又忤旨落職其學宗王陽明嘗講學東廓山中所著文皆闡發心性之語前有陸慶壬申懷安馬森序

常評事集四卷寫情集二卷

嘉靖刊本

沁水常倫著邑人韓范編輯

倫字明卿沁水人五六歲能誦書賦詩正德辛未進士改授大理寺右評事謫貴州判官遷知甯羌州未上卒年三十有四倫才高氣傲有晉人風慕仙嗜道自號樓居子書法繪事並臻佳妙詩宗李杜上窺漢魏其弔淮陰侯詩中原豪俠猶傳誦之多力善射馳驟酣嬉一日飲外舅膝洗馬處大醉衣紅腰雙刀馳馬渡水馬見水影驚蹶刃洞於腹潰腸死平陽守王泰收葬之集爲嘉靖戊子瑞泉南大吉序寫情集者倫所作樂府也

穀庵集選十卷

嘉靖刊本

張文魚藏書

嘉興姚綬公綬著

綬字公綬號穀庵嘉善人天順甲申進士拜監察御史成化初出知永甯縣辭歸居大雲里作室曰丹邱人稱丹邱先生又作滄江虹月之舟遊泛甚適書畫妙絕爲詩文暢逸事母許氏薦孝年七十四卒集十卷歲深版失嘉靖丙辰曾孫階重梓有仁和邵康億公銳及郡人屠應垓長洲文徵明三序長洲文彭嘉善沈傑四明王喜三跋此本原名姚氏世刻前列先生之父姚黼手墨并志銘小傳後附先生之子姚司字用宣官鴻臚序班親願摘稿一卷又孫姚惟芹字惟誠貢太學東齋稿略一卷今皆武佚尚存附錄二卷乃志銘錄書札贈詩也有天都汪氏承雅堂圖籍陳書屋讀書記海鹽姚叔祥藏張燕昌印文魚等印

夏東巖先生詩集八卷

明刊本

汪魚亭藏書

明夏尚樸撰尚樸字敦夫號東巖永豐人正德辛未進士官至南京太僕寺少卿明史附見妻諒傳敦夫與陳白沙同師吳康齋後與王陽明同師婁冰溪然所學篤實謹嚴非特異於陳王并不同於吳妻詩近理語聲壤之亞也有汪魚亭藏陽書一印辭攷功集十卷附錄一卷

嘉靖刊本

攷功郎中毫解蕙君采著

蕙字君采晚號大甯居士亳州人正德甲戌進士歷官吏部攷功司郎中嘉靖改元大禮議起援據經傳撰爲人後解爲人後辨凡數萬言入奏詔下獄尋得赦復職未幾罷歸屢薦堅卧不出東宮立將以坊臣召用而已前卒年五十三少以詩名王廷相謫判亳州激賞之曰可繼何李後之論者亦曰宏嘉之際三君鼎立古詩白河梁以暨六朝近體自神農以訖五季靡不句

追字琢心幕手追有西原全集十一卷遺集一卷此本爲四庫著錄前有嘉靖十四年李宗樞序後附行狀墓碑之屬爲一卷

辭西原集二卷

嘉靖刊本

王漁洋藏書

此蕙自乙亥至癸未所著古今詩也前有秦中李中樞序有池北書庫印舊爲新城王氏藏本

西原先生遺書二卷

嘉靖刊本

毫都辭蕙君采著

是編皆與人講學往復書札爲戶部侍郎南允王廷所輯嘉靖間刻於維揚廷有題識

杜東原詩集二卷補遺一卷

曹鈔本

古吳杜瓊用著

瓊字用嘉吳縣人性至孝嘗割股以已母疾有司將上其事請

以旌母郡守况鍾兩應求賢詔爲固辭不出自號鹿冠老人晚
徙家東原得朱長文樂圃家焉幅巾布素菜羹糲食怡怡如也
文和平醇實本乎理道詩則冷澹幽深造乎古雅宏治七年春
坊諭德王黎從其子啟得百篇爲之付梓以傳後有補遺一卷

王彭衍詩九卷

嘉靖刊本

明王謳撰諱字舜夫別號彭衍山人正德丁丑進士除工部主
事改刑部員外郎轉山西按察司僉事以文章飾吏事傑然爲
當時所重踰三年以疾歸而亡年三十有六詩自正德戊寅逮
嘉靖丙戌九年所作五言隱秀時可尋味七言專學少陵古體
近於率易今體頗覺纏綿嘉靖乙未里人陳嘉言與之善愛其
詩請其兄青門子得遺稿攜以入楚乞漢東顏本體別之更託
范守欽刊刻之本有序嘉言有跋四庫未經著錄天一閣書
目載之

白泉家稿一卷

舊寫本 汪龍莊藏書

汪文盛

文盛字希周崇陽人正德辛未進士歷官按察使僉事都御史
巡撫雲南進大理卿明史附毛伯溫傳守福州有惠政郡人爲
立節愛祠傳汝舟編次節愛汪府君集二卷此爲白泉家集當
時別行之本有蕭山汪氏環碧山房珍藏印瑤仙魯氏得於汪
龍莊先生後人補明詩綜西苑一詩鈐印曰瑤仙收藏白泉寶
刻史記前後漢書五代史極精今亦不易得也

賜問堂稿十卷

嘉靖賜本

貴溪夏言撰

夏言字叔敬桂湖貴溪人正德丁丑進士歷官禮部尚書武英
殿大學士後以主復河套爲嚴嵩所搆坐興會銑交關棄市隆
慶初追復原官謚文忠 四庫著錄其南宮議奏附存收言所

蒼桂洲集十八卷凡賦詩詞八卷文十卷千頃堂書目載桂洲集二十卷又賜問堂集十卷又應制集四卷桂洲詞一卷此卽賜問堂集十卷有錢塘田汝成序稱公以命世之才受知今上則良之契一德輔承昌明鴻業尋以松楸繫念懇疏乞歸上聞公之勞而難公之代躊躇未許願以他辭賜去殆有深意焉公聞命感泣歸而名其堂曰賜問去國僅三歲亟書促覲再陳台階道徑錢塘出是編曰此吾歸田時雜著也子其爲我序之云云時在嘉靖二十五年卷一爲疏爲表卷二祭文卷三碑文卷四誌表卷五六七八詩卷九卷十詞末有杭州府通判羅尙綱監刻一行

黃門集十二卷附錄一卷品藻一卷

萬厯刊本

浙許相卿撰

相卿字柏台海甯人正德丁丑進士官兵部給事中補禮科致

仕澹於宦情居紫雲山四十年風花雪瀑游展徧於巖椒而不
一入城市其卒也閩人嘉言輒以詩云平生城市無雙展何物
榮哀到兩眉詩取適意集出其手剛自序謂棄其脫遺不可讀
者存其餘可讀者自題絕句云雲村病老語多哢造次詩成絕
宋腔蓋欲求進於唐人也若老如舊歷渾無用病戀殘燈亦暫
明亦宋腔之佳者章疏切實雜文雅潔多有道之言嘉靖乙未
自序之外有沛國劉鳳及錢篇二序後有附錄及品藻各一卷

泰泉集十卷

嘉靖刊本

嶺南黃佐才伯甫

佐字才伯香山人正德庚辰進士選庶吉士授編修出爲廣西
提學僉事棄官歸養東宮立召爲左司諫遷侍讀諭德國子祭
酒再喪服除進少詹事兼翰林學士推吏部右侍郎罷歸卒年
七十七諡文裕少以奇雋名入翰林博綜今古窮究禮學經濟

修詞拔藻足升盛唐之奧是集乃佐官南京國子監學正時手
自編定嘉靖壬寅門人李時行尹嘉興時所刻後有自跋平湖
屠應竣序首并列蒲田林雲同武進薛應旂二序今爲四庫
著錄有華復初一印

黃文裕公泰泉先生文集六十卷

萬曆刊本

此集前載隆慶五年制誥文嘉靖二十一年南京禮部尙書南
郡張璧及萬曆七年南京工部尙書南海後學陳紹儒二序後
載門人歐大任跋蓋文裕嗣子在中在素在宏編刊也卷一之
三賦卷四騷辭樂章琴操樂府卷五四言古詩卷六七五言古
詩卷八七言古詩五言古詩卷九七言古詩及七古長短句卷
十五言律詩卷十一五言律詩排律卷十二七言律詩卷十三
七言律詩七排五六言絕句卷十四七言絕句聯句古詩卷十
五對策卷十六符命頌序錄卷十七箴上卷十八箴下贊銘頌

謠祝辭字辭卷十九二十奏疏卷二十一卷二十二書啟卷二十三問對設論卷二十四策問卷二十五至二十七論議卷二十八說卷二十九原解辨攷述禁論卷三十之三十三記卷三十四之四十三序卷四十四題跋卷四十五四十六圖經卷四十七碑卷四十八神道碑卷四十九之五十一墓表卷五十二之五十五墓表誄卷五十六五十七傳卷五十八行狀卷五十九六十祭文文辭若書二十二種多至二百六十餘卷宜乎別集之富也

甫田集三十六卷

嘉靖刊本

前翰林院待詔將仕佐郎兼修國史長洲文徵明撰

徵明初名璧以字行更字徵仲號衡山長洲人以歲貢用尙書李寀副薦授翰林院待詔三載謝病歸年九十卒明史入文苑傳少學文於吳郡博學書於李貞伯學畫於沈啟南而又與祝

希哲唐伯虎徐昌穀相砥礪能集眾長平生孝友愷悌致身清
華領吳中風雅者三十餘年二子彭嘉並能繼美是集凡詩共
十五卷敘二卷記二卷贊字辭頌一卷題跋三卷祭文一卷書
行狀傳二卷墓誌銘五卷墓表二卷墓碑阡碑等一卷附錄一
卷爲文嘉所撰微明行略

梅花百詠一卷

舊鈔本

前有衡山手識云往歲待詔金門驅車驛路時遇鐵幹生香無
不低徊留意但所適之境不一其暗香疏影之致而徒得之於
目也謝政歸來歷有年所停雲之東值梅數株每芳信臨時吸
茗相對真得逋仙之心賞漫成百詠并爲寒香寫照停雲館主
人徵明識百詠均七言絕句甫田集中所遺也鷺湖朱文懋得
百年朱絲舊楮錄之洵佳帙也

蘇原先生文集二卷

萬曆刊本

潘須吳廷翰著

廷翰字嵩伯無爲州人正德辛巳進士歷文選郎忤當路請外爲廣東僉事調浙江參議分守溫處復調山西而歸家於百萬湖上地產紫蘇築室曰蘇原號曰蘇原居士文則本之六經語孟雖汪洋恣肆如翻風捲濤頃刻萬里而不離其宗其子國寅嘗爲仁和丞乞馮開之夢禎爲序有安政七年明倫館印蓋書已經東瀛而還也

西村詩集二卷補遺一卷

萬曆刊本

徐問渠藏書

海鹽朱朴元素撰

朴海鹽人生有鴻才不屑俛首爲經生家言又不樂仕進喜攻詩畫張方洲盛稱之與海石西皋雲村東濱南溪兩湖諸鄉達句溪雖石兩布衣雪江石門兩僧結吟社羣推元素爲壇首關西孫太初吳下文衡山亦時相倡酬中丞直使行部造其間布

袍芒履報謝而已邑宰屢聘爲鄉飲賓謝不出至虛大賓位以俟之詩則音節清越脩然山俗遺稿甚夥灰於鬱攸萬厯辛丑其孫綵搜諸散逸刻之舊有許雲村序此本佚有徐茂本印問渠小印問渠乃嘉道間精於隸古者

蘇門集八卷

嘉靖刊本

河南高叔嗣

叔嗣字子業號蘇門山人祥符人嘉靖癸未進士官至湖廣按察使明史入文苑傳其詩集一曰考功稿自敘云嘉靖三年山工部營繕主事謂吏部稽勳再調考功時馬伯循張子魚王純甫同爲主事相與講文藝之事余日間所未知後各遷去而余出爲山西參政因起往日所爲詩次之二曰讀書園稿自敘云戊子以吏部郎中謝病歸於家開封當郡縣孔道應接稱煩於是徙城東舊廬遂力農事時李空同先生名方盛余私心慨慕

藏書志卷三十七

士

竊撰一二篇庚寅所著獨多踰年余上京乃罷三曰晉陽稿自敘云癸巳秋履山西參政屬方飢奉役往來遼沁汾潞間無甯日踰年冬朝京師明年復自汴入晉復踰年轉爲湖廣按察使蓄志所感都爲一卷四曰入楚稿有注云府君自山西轉遷湖廣去往所得凡十三首爲入楚稿又曰軼稿注云考功讀書二稿乃其自選多所不載括其遺篇不忍棄選其優者爲軼稿雜文四卷陳后岡云力遜於詩有古鄴劉劭明州陳東二序門人毛愷後學張正位二跋

少湖先生文集七卷

嘉靖刊本

朱竹垞吳石倉藏書

明徐階撰階字子升華亭人嘉靖癸未進士第三人官至少師吏部尚書建極殿大學士贈太師諡文貞階有世經堂集二十六卷續集十四卷此乃外謫延平府推官時所作三年秩滿北上延平士人覓其前後諸作付梓以誌遺愛凡文五卷語錄一

卷詩一卷前有奎湖張真龍津黃焯序後有嘉靖七年劍溪鄭慶雲頤庵林元倫跋有竹垞藏本州來氏藏書記石倉吳允嘉印石倉老人汪魚亭藏圖書諸印

潘笠江先生集十二卷近稿十二卷

萬歷刊本

明潘恩撰恩字子仁上海人嘉靖癸未進士官至右副都御史年八十七卒謚恭定明史附周延傳正集爲聶叔頤所輯科笠江先生集賦樂府古今體詩凡五卷策表箋序碑記凡四卷說對贊誌銘祭文及雜述凡三卷合爲十二卷蓋自嘉靖壬午迄今甲寅凡三十餘載之所作也先生茂德篤行爲世表儀其所以論著皆根諸性靈本乎篤實豈獨以空言自見者哉海內之士旣多稱先生之行余故輯其文傳之後有君子得以覽焉前有明州張時徹郡人徐獻忠序又近稿十二卷一二爲詩三爲疏四五六七爲序八爲碑記九爲傳說篇贊銘跋十十一十二爲

神道碑墓表行狀 四庫存目未見近稿但稱其子允哲允端

合前後刻爲恭定全集然則此本猶在合刻之先歟

長春競辰餘藁三卷

明刊本

右蜀成王讓栩撰王昭王賓瀚之子高皇帝昴孫正德五年襲封好學觀經史臨法書作詩屬對皆有程要竹垞云長春競辰集成都楊慎序之而升庵集不載宮詞百首雖題曰擬古然如翠華一去寂無蹤疑諷康陵作只恐君王道院行疑諷永陵作其卷二爲詞卷三擬元人樂府前有嘉靖戊申簡紹芳序

琪山集十二卷

萬曆刊本

北海趙秉忠著

秉忠字季卿益都人萬曆戊戌進士廷試一甲第一官至禮部尚書贈太子太保集凡文六卷前有自序與千頃堂書目所載合 四庫未著錄寫刻極工儼似翠墨初拓

陸子餘集八卷

嘉靖刊本

何紀瞻藏書

前從事郎工科給事中吳郡陸燾子餘撰

燾字子瞻一字浚明長洲人嘉靖丙戌進士授工部給事中以坐劾張璁桂萼謫都勻驛丞遷永新知縣燾少師事王鏊鏊曰此子必以文名天下楊一清稱爲通儒嘉靖間元老類皆延攬賓客雖貴籛分宜亦然惟張桂專與文士爲讐丙戌庶常一筆掃空燾又多論劾偃蹇終身然亦因此忌意邱園研心經史官業文章流播藝林著有貞山集龍池山人彭年詹事黃佐序之此爲嘉靖丙子南太僕卿周復俊撰序文七卷詩一卷有何焯之印及祀瞻二圖記

趙浚谷文集十卷

萬歷刊本

明趙時春撰時春字景仁號浚谷平涼人嘉靖丙戌進士官至右副都御史巡撫山西明史有傳時春撰平涼府通志考證敘

述具有史法讀書善強記與唐愼之王愼中齊名文章慷慨自
喜不拘拘於格律集有二本一爲十七卷凡詩二卷賦及雜文
十五卷其甥周鑒爲序一爲詩六卷文十卷自嘉靖癸未起至
隆慶丁卯止編年而不分體舊有徐階序是本止文十卷詩已
闕序亦不存

念庵羅先生文內集八卷外集十五卷別集三卷

隆慶刊本

明羅洪先撰洪先字達夫吉水人嘉靖己丑賜進士第一進左
春坊贊善罷爲民隆慶初贈光祿寺少卿諡文恭年甫十二已
慕爲古文比十五遂以斯道爲己任初嘗惑於良知之說其後
取證於靜無動有之語以教學者學凡三變亦因之少學文於
李空同棄之與唐荆川趙汝谷相講磨大放於文久之曰吾無
意爲之矣詩則遺師擊壤近仿白沙定山然爽氣爲多屬對甚
精集舊刻於撫州再刻於應天最後門人編分三集隆慶元年

門人秦和胡直爲序 四庫著錄爲二十二卷乃雍正間六世孫所刊千頃堂書目載念菴文集十三卷又石蓮洞全集二十五卷與此卷數皆不符

皇甫司勳集六十卷 萬歷刊本

吳郡皇甫子循撰

汾嘉靖乙丑進士歷官雲南按察僉事與兄冲淳及弟濂並以詞筆顯名江右列於作者之林而汾尤爲卓著文故名家尤覃精於詩是集爲賦騷五古樂府七古七言歌行五律排律七律五絕六言七言凡三十三卷頌贊銘序集譙贈序碑版書牘記雜著傳誌銘碑表家誌哀誄告祭跋語文疏凡二十七卷總六十卷萬歷三年郡人范惟一顧存仁徐州劉鳳並有序有艾生周之德印河東使者三圖記

唐荆川先生文集十二卷 嘉靖刊本 世學樓藏書

明唐順之撰順之字應德一字義修武進人嘉靖己丑進士除兵部主事改翰林編修歷右春坊司諫上疏請朝東宮奪職爲民起兵部郎中巡視薊鎮視師浙直起遷巡撫淮揚僉都御史天啓中追謚襄文順之學問淵博留心濟世自天文地理樂律兵法以至句股壬奇之術靡不研究所著文編具見文章法度至其詩質不傷文麗而有體文則典雅條達具有體裁其後託於講學不免頽放是集爲無錫安如石所編王慎中所序有會稽鈕氏世學樓圖籍印番禹馮恩江所藏印常惺惺室藏書諸印重刊荆川先生文集十七卷外集三卷附錄一卷

萬曆刊本

謹按 四庫著錄者爲十二卷本千頃堂書目載荆川集二十卷又續集六卷奉使集一卷與此卷數亦不合此本前列尊嚴居士王慎中一序序後有萬曆元年孟春吉日重刻於純白齋一行卷一賦詩卷二至四詩卷五至九書卷十七一序卷十二

記卷十三說銘誅祭文卷十四十五誌銘行狀卷十六墓表卷十七雜著外集一爲廷試策諸議表二爲奏疏三爲公移附錄則墓志銘表祭文祠記傳等作

玩鹿亭詩稿二卷

明刊本

鹿園萬表著

表字民表鄞縣人正德末武進士累官都督府同知僉書南京中軍都督府晚號鹿園居士萬氏世以勲績顯表獨與唐荆川講性天之學好從外方游值倭患守土者不能支表結少林寺僧傳格鬪之法倭犯赭山使釋孤舟統其徒三百人縱火擊敗之俄太倉來乞師又別募月空等十八僧戰於翁家港大敗之迨至嘉興白沙灘盡殲焉後遷官留都道出蘇州卒遇寇楊涇橋孤軍與戰身中流矢以書報家人曰家世死戰今晚年增一箭瘢可無憾矣詩如空巖曲瀨時聞滴漚得幽間真趣有韋應

物深致尙有文六卷未之見也有四忠三節一義之門印

舒梓溪先生集十卷

嘉靖間本

翰林院脩撰舒芬著

芬字國裳號石灘更字梓溪進賢人幼性端重六歲母授孝經論語輒了了十二歲以郡守祝瀚修封漁至梓溪爲獻馴鴈依人賦薦補郡學生正德丁卯舉於鄉丁丑策對大廷御批第一甲第一名授翰林修撰戊寅武廟北狩上隆聖孝疏又上車服疏皆言天理人欲之分諷諭切至己卯南巡同編修崔相庶吉士汪應軫曹嘉王廷陳馬汝驥伏闕懇疏罪刺閣中杖幾死落職謫福建市舶副提舉嘉靖元年召復官連遭親喪遂疾卒於家年僅四十四所爲文章宕跌不窮文集初刊於廣省海陽黃佐同郡張鏊旣爲序之嘉靖三十二年門人熊杰哀集其遺文參以廣本編成此集復爲之傳南昌萬虞愷更序其首卷一制

策卷二表奏卷三四五序卷六記卷七志銘表書傳贊論卷八
祭文銘箴說詞跋卷九卷十賦詩嘉靖癸丑刻於閩省杰又爲
後序

陳后岡詩集一卷文集一卷

嘉靖刊本

四明陳東約之著

東鄞縣人嘉靖己丑進士官河南提學副使明史人文苑傳東
與唐順之倡爲初唐六朝之作以矯李何之習而所學不逮順
之順之以古文名家而東年僅三十餘卽捐館滇上時順之與
祠部熊叔抑撫其貌孤搜其遺稿編而行之吳郡皇甫汈爲序
文集以居官之地分京楚閩洛四集張時徹付刊四川按察司
僉事趙廷松爲序

期齋呂先生集十四卷

嘉靖刊本

明呂本撰本字汝立號甬渠又號期齋餘姚人嘉靖壬辰進士

藏書志卷三十七

六

官至武英殿大學士謚文安本在位不久卽遭憂歸不復出家
居數十年蒔花問竹優游以老詩四卷文十卷其子禮部主事
元所編文有寬博之槩詩亦清華朗秀不失爲第二流

歸雲集前稿二十卷

萬曆刊本

篤素堂藏書

應城陳士元心叔著

士元嘉靖甲辰進士官至灤州知州平生所著撰述之富幾與
楊慎朱謀埠相亞如易象鉤解古俗字略皆是也千頃堂書目
載歸雲三集七十五卷此僅二十卷首標前稿一卷賦二至九
古今體詩十詩餘十一碑記十二至十六序十七雜著十八書
啟十九表碣傳志銘二十祭文而四庫未見著錄有皖南張
師亮竹修漁長校書於篤素堂篤素堂張曉漁校藏圖籍之章
諸印

孫文恪公集二十卷附孫夫人集一卷

嘉靖刊本

吳方山藏書

古越孫陞著孫夫人集仁和楊文儼著

陞字志高，餘姚人。都御史忠烈公燧之季子也。嘉靖乙未，賜進士第三。人授編修官。至南京，禮部尚書卒，贈太子少保。諡文恪。何良俊稱其清謹，持已嚴正，守官對客，好談法律詩之法。穆敬甫稱其詩爾雅，足爲上乘。文集十四卷，詩集六卷。嘉靖壬戌，浙江布政使右參議徐栻爲序。附孫夫人詩一卷。仁和楊文儼著。文儼，仁和工部員外郎。應繹之女，爲文恪繼室。爲詩，屬以則課諸子。如嚴師。子四人：太保吏部尚書瀛、清簡鑾、禮部尚書鉉、太僕卿錄兵部尚書鑑。皆夫人教之也。有方山吳岫南溪居士及姑蘇吳岫家藏書諸印。及吳岫書籍小木記。

奚囊彙餘二十卷

萬應刊本

明張瀚撰。前有自序云：奔走四方二十餘年，每以一囊自隨。凡所得簡札詩帖，俱納其中。積久蠹蝕，因取其字畫稍全章句可

讀者錄出成帙名曰奚冀錄餘凡賦一卷詩九卷記二卷雜著一卷墓誌一卷行狀行略一卷祭文一卷書二卷隆慶戊辰徐養正曹天祐爲序張佳允爲後序

丁清惠公集八卷

崇禎刊本

嘉善丁賓禮原甫著

賓嘉善人隆慶五年進士授句容知縣徵御史座主大學士張居正誣劉臺以贓屬賓往遼東按之力辭忤居正去官萬曆十九年用薦起故官復以憂去起南京大理丞遷南京右僉都御史兼督操江時江防多懈賓率將校乘扁舟往來周視增守兵咸要宮部內宴然妖民劉天緒左道事覺兵部尚書孫繼欲窮治之詔下法司賓兼攝刑部大理力平反論七人死餘皆釋召補工部左侍郎權工部尚書自上元至丹陽道路盡易以石行旅便之數引年乞罷天啓初始允致仕在官在鄉輒捐粟賑濟

加太子太保旌其門卒年九十一謚清惠賜祠本邑集八卷四
爲奏疏二爲雜著詩附焉二爲書牘禮部尙書兼文淵閣大學
士孔貞運爲序

靳兩城先生集二十卷

清惠刊本

東魯靳學顏

學顏字子恩濟甯人嘉靖甲午省試第一人乙未成進士官至
吏部左侍郎明史有傳萬厯乙酉上海王圻序其集云公讞獄
良規在宛洛賑貸遺愛在雲間牧養宏猷在吉郡覃敷文教在
關中底慎財賦在巴蜀張皇兵旅在邊徼若其文追秦漢詩軼
晉唐上摭忠惻下籌民物暢敘游觀炳炳琅琅公已兼之同郡
于若瀛序稱其所著有問有集兩城集荒稿園志等書歿後存
僅二三公之子需雷受手鈔成帙得二十卷刊之卽此本也凡
詩十四卷文六卷

藏書志卷三十七

大

朱玉洲集八卷

嘉靖刊本

上海朱曜景陽著

曜字叔陽以諸生薦不偶晚以鄉貢爲清江鹽課提舉集爲季子蟾編同邑唐錦爲之序稱文根柢深長波瀾浩蕩豐潤典縟渾然無刻削之跡詩篇肆筆沛然頃刻數十百言若不經意然精嚴淵暢有味外之味今上海志藝文中僅列其目人物中亦無傳第於塚墓下列其墓在斜柳北云

滄溟先生集三十卷

隆慶刊本

濟南李攀龍于鱗撰

攀龍歷城人庚子鄉薦第二人嘉靖甲辰進士改吏部文選司主事以疾歸益勵志讀書文自西漢以下詩自天寶以下若爲其毫素汚者輒不爲還京允順天鄉試同考官簡拔多奇士
刑部廣東司主事曹務問寂益肆力於文詞遷山西司郎中

守順德擢陝西按察提學副使遷浙江副使尋陞河南按察使卒年五十有七著有白雪樓集以家近東海又自號滄溟海內學士大夫無不知有滄溟先生者此本凡詩十四卷文十六卷誌傳表誄之文卽附於宋隆慶壬申西蜀張佳允撰序

田兵部集六卷

明鈔本

天一閣藏書

明田汝霖撰汝霖字深甫祥符人少領鄉薦十三試春官不第官至兵部司務少遊李空同之門與左國璣齊名人呼田左據俞汝成盛明百家詩所收是集名華野集前有李襲序且云李子謫官陽城乃序其詩刻之今核其所選之詩有出此集之外者其餘亦間有改竄此本得自甬上爲天一閣中散出之帙每卷之首均空一行且不著撰人姓名前無襲序繕寫絕精疑是未刻時清本其後襲撰序登本別有增改故參差舛牾不能盡合也其詩專尚氣骨局勢開張雖間有虛聲迴殊庸鶩大一閣

書目云不著撰人姓氏余讀盛明百家詩知卽莘野集爲攷定
如古今莘野集刻本已不可見暇當取俞選及他處所載深甫
逸詩爲補遺一卷且重刻而流傳之因記於此以俟

敬所王先生文集三十卷

萬應刊本

門人翰林編修張位選集

明王宗沐撰宗沐字新甫臨海人嘉靖甲辰進士累官刑部左
侍郎劉良弼序云先生之文使後之學者仕者的有考據豈非
古所謂經世之文者歟凡內編十卷爲頌序書啟別編十卷爲
詩論碑賦說傳書後約策問祭文行狀銘誌講義外編十卷爲
奏疏雜著又移千頃堂書目三十卷外又有續集八卷明史藝
文志又載奏疏四卷今皆未見前又有張位序一篇

楊忠愍公集三卷

萬應刊本

明楊繼盛撰繼盛字仲芳號叔山容城人嘉靖丁未進士官至

兵部武選司員外郎以疏劾嚴嵩爲所構陷棄市後追贈太常寺卿諡忠愍明史有傳 四庫著錄者乃康熙間蕭山章鉅所校此則爲公子太學生應尼所集王世貞鎮魏冀授大名知府鄭少刻之及南皮湯寶鼎中林潤皆有序又有萬歷年開平陸史宣政序稱公集梓藏公里江以南罕覩友人狄永嘉輩復梓於吾邑前爲白著年譜王世貞撰行狀徐階撰墓志銘李春芳撰敕賜旌忠祠碑碑文後有萬歷壬寅海陽東里吳氏藏書一條凡奏疏一卷詩一卷雜文一卷書刻極精

弇州山人四部稿一百七十四卷續稿二百七卷

明刊本

吳郡王世貞元美著

世貞字元美太倉州人嘉靖丁未進士官至刑部尚書明史人文苑傳世貞弱冠登朝與李于鱗復修西京大歷以上之詩文以號令一世于鱗業專事故精而獨至元美才敏敏則治而旁

通于鱗既歿元美著作日益繁富博大汪洋磅礴使人不能究其底四部稿者賦部詩部文部說部說部之中又分七種爲劄記內篇爲雜記外篇爲左逸爲短長爲藝苑卮言附錄爲委宛餘篇爲巡撫卽陽時所自刊萬曆五年新都汪道昆爲序續稿祇有賦詩文三部而無說部乃致仕以後手自哀輯授其少子士駿崇禎中其孫始爲刊行太原王錫爵沛國劉鳳京山李維禎爲序有趙氏鑑藏毛氏宜爾室圖書之印二圖記

天目先生集二十卷附錄一卷

萬曆刊本

吳興徐中行子與著

中行一字龍濟長興人自稱天目山人嘉靖庚戌進士歷官刑部員外郎官至江南左布政使轉左年六十二暴卒明史附文苑李攀龍傳中行與李于鱗王元美宗子相謝茂秦稱五子楊忠愍劾嚴嵩父子觸上怒論棄市中行年二三同志收其屍歸

噓之遣錢江南囚平反爲多守汀州時虜寇蕭五據萬畝將軍
城城下男女爭避入城守者闔門乃下令啟門引緬別途男左
女右入已復戒屬邑備寇得平王元美稱其詩左準右繩靡所
不合文辨而不激峭而能潔萬歷甲申銅梁張佳允撫浙取其
集授縣令黎芳校而刻之縱賈人印賣徧於海內有王世貞序
於前芳跋於後附錄則墓志行狀傳也

宗子相集十五卷

嘉靖刻本

明宗臣撰按臣字子相興化人嘉靖庚戌進士除刑部主事移
吏部文選司進稽勳司員外郎以賄楊繼盛忤嚴嵩出爲福建
參議遷提學副使卒於官明史附李攀龍傳此爲四庫著錄
之本前有巡按福建監察御史縉雲斗山樊獻科序嶺南歐大
任撰傳斗山撰子相遺詩傳斗山公送子相入福建名宦祠移
文方城先生小像門人蕭時中像贊王世貞撰墓誌王世貞福

藏書志卷三十七

三

建祠堂碑一卷爲賦二卷古詞歌三卷古樂府四卷五言選詩
五卷七言古詩六卷五言律詩七卷八卷七言律詩九卷五言
絕句十卷十一卷七言絕句附五子述五子詩四懷詩七子篇
十二十三文部十四十五卷書部末端云查得書部內數葉字
句多譌因在閩中倉卒謄刻未曾校訂且原稿門生收去無從
改正恐謬以傳譌因削之謹告每卷題舊名均削去改題五世
孫書重校此版因初刻存之有吳氏連星閣藏書一印

隋堂摘叢十六卷

嘉靖刊本

明許應元撰應元字子春號茗山錢塘人嘉靖壬辰進士歷官
雲南布政使四庫存目傳刻許水部稿三卷乃應元官夔州
知府時刻以皆官邸署時所作故仍以水部名集凡詩一卷文
二卷此十六卷名陶堂摘稿詩四卷文十二卷仍刊三台山人
楊元長卿撰水部稿序於前而弁以嘉靖辛酉福建右布政使

新安游震書序是市子雷得其短律讀清長歌琅壯云

耿天臺先生文集二十卷

萬曆刊本

明耿定向撰定向字在倫麻城人嘉靖丙辰進士官至督儲戶部尚書著有碩輔寶鑑要覽集爲門人劉元卿所編凡詩賦一卷雜文十九卷末一卷乃時藝也其學宗王陽明爲文筆極強氣極盛以解張太岳奪情之非士論輟之

碧筠館詩稿四卷補一卷

原鈔本

明凌爾詮家藏

錢塘凌立雙橋甫著

立字子仲號雙橋錢塘人嘉靖癸丑進士歷官刑部郎中建昌知府少孤事節母以孝聞母歿一櫨骨立數月卒人謂終身之慕云府志入孝義傳集卷一爲初服稿卷二爲奉使集卷三爲告中集卷四爲闕下集乃其孫紹英所錄原本六世孫爾詮校藏有凌爾詮印藻浦二印吳允嘉著武林耆舊集又輯其遺詩

一卷而以其長子汝登名字元孚隆慶庚午舉人官太平知府
次子登瀛字元仲隆慶庚午解元萬曆丁丑進士官禮給科事
中詩文附焉

蟻螻集五卷 萬曆刊本

黎陽盧柟次榘著

柟涪縣人家世業農柟以諸生貢才忤縣令誣以殺人榜掠
論死輾轉覆勘莫之解淹獄數年臨清謝榛走京師爲之稱冤
適縣令已罷代之者爲平湖陸光祖始平反不死而柟之父母
與子均死矣是集雜文二卷賦一卷詩二卷柟所自編前有自
序云蟻螻者醜雜也潔於自奉介於自守取以自喻有萬曆二
年西蜀張佳允豫章萬恭知涪縣事濟南張其忠諸序曾孫生
員盧啟楨啓梓

卓光祿集三卷 明萬曆刊本

明儒林郎光祿寺珍羞署正仁和卓明卿徵甫撰

明卿遠祖復初忠貞公從弟忠貞殉節革除復初避奉化轉徙仁和暨於宋氏子孫冒其姓凡七傳至明卿始復卓氏補南太學生以例得署正官至光祿寺珍羞署正當事者將羅之史局而銓衡又欲以大部司馬借之年六十遂疾卒有卓徵父詩集北游稿文集三山游稿行於世王世貞李維禎屠本峻方應選先後爲序萬曆丙申彙爲三卷同里胡允嘉沈朝煥序之馮夢禎爲之傳男爾昌校刊

卓徵甫詩集十卷

萬曆刊本

汪季青藏書

西河卓明卿徵甫撰

前有吳郡俞允文瑯琊王世貞吳郡王世懋大浮山人葉之芳諸序及萬曆八年明卿白序有摘藻堂藏書印休甯汪季青家書新諸印

貽清堂集三冊不分卷

舊寫本

明錢養廉撰養廉字國惟仁和諸塘里人萬曆己丑進士授工部都水司主事管河夏鍾時汶泗諸水以夏鍾爲壑而昭陽諸湖在其下流養廉先從隄旁開二支河以殺水勢會父廣西副使立卒以喪去官服闋召補吏部考功署驗封司郎中事日本犯界尙書石星主和議總督孫鑄不從星乃誣贖通書幣下廷議養廉屬草剖析極明和議止鑄亦無罪卒養廉光祿寺少卿千頃堂書目載貽清堂集二十卷明詩綜不列其目罕傳可知此舊鈔本前爲一卷後爲解爲雜著爲疏爲書爲序爲約爲纂誌銘爲行狀爲祭文爲尺牘初末編次不分卷數有汪魚亭藏閩書一印公故居近因宣靈王廟今其址爲鹽義倉弟養度萬曆丙午舉人官永豐令從子喜起崇禎庚辰進士南昌知府簪纓世胄詩禮家聲固里中耆德斯集雖殘一可不珍藏哉

謝溪先生詩錄九卷文錄十卷奏疏一卷慢錄三卷尺牘四卷稿本
徐與公藏書

明周怡撰怡字順之號都峯改號訥溪甯國太平人嘉靖戊戌
進士授順德府推官擢吏科給事中官至太常寺少卿卒天啓
初追諡恭此本與千頃堂書目所載二十七卷總數相合 四
庫祇著錄其奏疏餘未之及集爲其弟恪所編萬曆甲戌屠義
英序其詩云先生以諫忤權奸廷杖下獄中凡五閱歲去死蓋
萬分之一時先生母劉太恭人在堂且老今觀獄中諸作皆感
恩引慝與其違忤違將之情其感觸流濕動而弗濡柔厚悠揚
切而不迫蓋瀟瀟乎可永而釋也前有溫陵洪朝選撰序奏疏
有許穀序此本有徐勣之印徐惟起印蓋與公所舊藏又有江
西汪石琴家藏本小木記少泉蔡氏珍藏圖印

湖山百詠一卷

舊鈔本

羅鏡泉藏書

廣西左布政使致仕郡人夏時以正述浙江杭州府通判南昌閭
敬公肅校刊

前有天順七年九月時撰湖山勝槩記一篇第一節總記錢塘
之勝第二節記湖中之勝第三節記湖東之勝第四節記湖南
之勝第五節記湖西之勝第六節記南山之勝第七節記西山
之勝第八節記北山之勝第九節總結湖山之勝自序云予解
組歸因足疾不舉謝絕人事太常陳公以董嗣杲所唱并公所
和西湖百詠惠觀隱几就寐忽夢往書肆易江文通集恍然中
間對者曰有予欣然卽以自得旣而復寤坐思轉清遂揮毫得
十數絕七日而就復得湖山勝槩記似覺有神相之云云卷端
有太常少卿致仕會稽陳贊惟成序有江東羅氏所藏印

青藜齋集二卷

崇禎刊本

上洛王養明甫朝暉著

朝暭字養明周定王七世孫也有上洛園林之勝結名流題詠
其中著好我篇二卷已入總集類此帙乃所撰詩集也詩頗清
麗有舊歷乙巳河東布政使豐城徐泳鹿鳴盛時洽西張季彥
三序此本千頃堂書目列朝詩集明詩綜均未載蓋湮沒已久
矣

花王閣賸稿一卷

舊鈔本

景城紀坤

坤字厚齋獻縣人其曾孫容舒識云先曾祖先明隆慶中少爲
諸生見四方多虞慨然有經世之志談兵說劍恒從諸豪俠游
然不欲以他途進擢登召笈老尚僕僕場屋間既久不遇且知
時事之不可爲也乃息意逃禪隱處田間以沒晚榜所居曰花
王閣蓋自傷文章無用如牡丹之華而不實也生平憂時感遇
一一託之於詩崇禎己卯自編次爲六卷越兩歲遂易簪旋罹

兵燹原本燬焉順治中先曾祖母於地窖敗篋中得籍物殘紙
一束檢之乃焚餘牘稿僅一百餘首藏於家後新安程晉芳大
興翁方綱歷城周永年各爲序跋卷首有翰林院印蓋當時進
四庫館本也元孫紀昀方以直閣爲總裁官而此本不登著
錄僅入存目足以見朝政清嚴士論公允之一端書乃發還紀
氏珍藏輾轉散出者有好學爲福之齋圖記徐星伯松題簽

陸桴亭先生詩集十卷

舊寫本

明陸世儀撰世儀字庭威太倉州人弱冠卽志聖賢之學以居
敬窮理爲本而推極於體國經野凡天官地理禮樂河渠用兵
行陣靡所不通窮居授徒隱然負開濟之重卒年六十一先生
詩淵然浩然莫可涯量其子允正所述行實稱詩稿十卷在未
刻書中世間流傳絕少沈氏歸愚明詩別裁不登隻字朱氏竹
垞明詩綜僅登一首蓋未之見也此本有周西臣及陳瑚二序

藏書志卷三十七

美

懸壺爲大兵所襲執論降不從死年四十有五葬杭州南屏山下著有冰槎錄奇雪草采薇吟北征錄鄉薦經義傳以遺策而編之附以施氏撰忠烈傳全祖望所輯年譜祝原著祇園詩話一體云以禮字節之越人有兩跋綴於後

湖上編白下編蓬宅編哀晚編四卷

盧抱經鈔本

西農張遂辰相期

遂辰又號鄉子本家江西隨父徙杭州稱西農志不忘也高懷遯迹似嚴若平鄉子真一流而文藻勝之野花十首人尤盛稱有紫野花之目好談易精於醫處輒活數百人至稱其居曰張鄉子甚可以想其名德矣詩每卷各有自序惟哀晚一編爲人因勒作舊有刻本早燬此乃盧抱經堂寫校本有盧文弨父手校印卷末各有題語猶予立誠又假吳子修所藏天啓壬戌自鐫寫先生小像沈德潛彭啟豐杭世駿周京梁詩正諸

丁敬翟灝梁啟心柳溥胡敬黃士珣錢師曾吳振械諸題詩摹
於卷端

梧園詩文集二十九冊

原稿本

蕭山王小姐藏書

錢塘吳農祥撰農祥字慶百號星叟一號大滌山樵明宮允太
冲子錢塘諸生康熙己未薦試博學宏儒居城西孩兒巷闢梧
園建樓其中與弟農復登樓去梯弗聞世事發憤讀書康熙中
詔開制科徵至京師大學士馮文勤公延之館舍與陳維崧
毛奇齡吳任臣王嗣槐徐林鴻稱佳山堂六子陳毛吳既入史
館王亦得留中書獨林鴻與農祥報罷李文襄公之芳以蕩寇
功督兩浙建牙三衢以陬閩衝吏弁上謁不敢仰視農祥至則
長揖之爲草露布更爲畫便宜數事文襄再拜曰哉君良箴康
熙戊子卒年七十七農祥爲文章才辨宏博馳騁百家杭州府
藝文志載其宣齋文集八十卷詩集四十卷南歸集十卷雪鴻

集八卷流鑑集四十卷嘯臺就正稿二十六卷金陵集十卷心
蘇集五十卷秋錦集十卷南羽集三十二卷綺霞集二十四卷
未忘集八卷京江集四卷面黃士珣北牖堂錄稱其著作總五
百六卷藏蕭山王小穀太史家同治乙丑從三元坊包氏得集
二十九冊一爲賦頌表二爲表序三爲序四爲序書序五爲序
六七爲書序八爲記誄墓誌銘塔銘碑書九爲記論說議考書
疏引跋贊誄銘十又爲書序十一爲傳十二爲行實行狀十三
爲跋疏十四爲行狀雜居志哀辭墓碣行實記十五六爲書序
墓誌銘祭文雜著十七爲疏哀辭祭文跋十八十九爲泊齋別
錄皆雜文以下皆詩詞二十爲未忘集二十一爲金陵集心蘇
集二十二爲金陵集秋錦集未忘集心蘇集二十三爲心蘇集
秋錦集二十四爲星叟集星叟雪鴻集二十五六爲梧園集二
十七八九爲詞皆未編定之卷較之原目已少三之二矣余攷

選而刊之此願不知何日償也

蘭窩雜稿一卷

舊鈔本

仁和沈昀撰昀字朗思初名蘭先字甸華年十六入郡庠二十七歲舉業與弟蘭或自相師友考究性命爲務嘗執經於劉念臺先生門事父母孝以東臚爲養請子毅中純中弗令干祿終日凝坐體書絕粒采階前馬藍食之或餽以米弗受也年六十三卒無以爲斂應潛齋經紀其喪府志入儒林傳所輯宋五子要言四書輯略四書宗法七經評論士喪禮古今詩最今詩紀多不傳此本僅雜文日記舊本藏海鹽吳良仲先生謙牧家歲久吳氏裔孫世堂理出之張銘齋孝廉錄其稿歸余高伯平院長題有詩

簡漁小菴原本七卷

舊鈔本

黃薏園藏書

秀水朱昆田西陵著

藏書志卷三十七

天

昆田爲竹垞檢討之子歿於康熙己卯時檢討年已七十一歲
爲定簡漁小稿十卷附刊曝書亭集後此其原本七卷多塗乙
之迹嘉慶己巳六月松門戴光曾識於卷端又歸之黃復翁復
翁時亦喪明觸感而更記之

秋芙蓉吟稿一卷

原稿本

馬笏堂藏書

仁和趙昱谷林撰昱初字功干母氏朱山陰襄敏公變元曾孫
女祁忠敏公彪佳外甥女也祁氏淡生堂富藏書昱習聞母訓
學有淵源與弟信字意林築小山堂蓄書之富埒於祁氏與全
謝山杭堇浦厲樊榭周穆門吳尺鳧沈霖城陳芝光友善唱和
之詩傳遍大江南北乾隆丙辰詔開博學鴻詞科昱與信同被
徵試未幾報罷此詩皆當時所作前有自題云余自丙辰秋入
都戊午秋南歸留滯燕臺涉逾三載歲月遷譌人事違忤秋士
獨謫消憂明日鬱結之情具發乎詞唐高蟾云天上碧桃和露

種日邊紅杏倚雲栽芙蓉生在秋江上不怨東風怨未開善夫
詩人知所怨已茲集自始出門及居京邸所作凡百二十餘篇
題曰秋芙蓉吟稿篋攜以歸時重九之明日谷林山人記於汶
上旅舍版匡外有小山堂京師鈔本七字又有小山三十六鵷
亭二林吟屋西湖趙五諸印并自跋其後是有愛日堂吟稿續
稿此本編入第六第七兩卷後歸海鹽馬笏齋亂後歸余今小
山堂已改爲象山試館池亭樹石盪爲飛灰而十萬牙籤先已
雲散余隨先兄過其遺址未嘗不迴腸盪氣籍此片帙聊以志
手把芙蓉之思彌

過春稿一卷

吳鷗亭手錄本

杭世駿撰世駿字大宗號荊浦錢塘人以舉人應乾隆丙辰博
學鴻詞科授翰林院編修以言事罷官歸年八十餘卒有道古
堂詩文集此過春集其一種也有周天度序此書爲吳鷗亭城

手錄可與刻集對校知其所以去取焉

無悔齋集三冊

稿本

清吟閣藏書

錢塘周京撰字西穆一字少穆號穆門晚號東雙柳居士廬生
薦試博學鴻詞不就授州同知事母孝其婦賢而不得於姑
至困悴以死無幾微見於顏色特憐其婦終身不更娶弟已析
產乘其出游而貨其居歸乃另就屋不置一語大科之徵年已
六十辭不獲至京師稱疾而返足迹歷閩廣燕趙秦晉懷人弔
古一寄於詩書法元美年七十七卒屬鴟旒安爲論定其詩山
陰尹舒等祇爲之錢版凡十五卷上附舊在置氏清吟閣亂後
亡失過半僅存三冊猶可見醉墨流芳也有如南山之壽一印
六卷閣藏一卷

信本

娛村老農朱稻孫稼翁

稻孫爲西陵次子得竹垞老人之教能世其學此本爲稻孫乾

隆乙巳庚午辛未壬申至甲戌所作客馬氏小玲瓏山館韻詩
及謝盧雅兩鹽使雕經義考一百卷之作皆在焉有稱孫手書
娛村兩印

右別集類十五

書本書室藏書志卷三十七終

藏書志卷三十七

三

善本書室藏書志卷三十八

錢塘丁丙松生甫輯

集部十七

文選六十卷 明汪諒翻元本

梁昭明太子選唐文林郎守太子右內率府錄事參軍事崇賢館直學士臣李善注上奉政大夫同知池州路總管府事張伯顏助率重刊

前昭明太子序李善上注表而兼列呂延祚上五臣注表上遺高力士口敕又元大德時海北海南道肅政廉訪使余璉序每葉二十行每行大字二十字小注二十一字每卷有子目連屬正文版心間有刻工姓名卷一首葉有九華吳清牀刀筆七字六十卷末有監造路吏劉晉英郡人葉誠等字按璉序稱梁昭明享池祀又云卽池故處吾歸老焉同知府事張正卿來俾邑

藏書志卷三十八

一

學吳梓校補遺謬遂命金五十以自率羣屬靡不從化云云正卿名伯顏成宗賜名也原名世昌長洲相城人由將作院判官累任慶元路同知延祐七年陞池州路同知後遷漳州路以平江路總管致仕見鄭元祐倫吳集中是此刻實仿清熙辛丑尤延之舊刻璉序曾未及之中如左太冲吳郡賦趨材悍壯注引胡非子胡不誤韓張平子思元賦不脫爛漫麗靡貌以迭過二句并注陸士衡答賈長淵詩不脫魯侯戾止袞衣委蛇二句并注曹子建箴後引不脫昔年忽我道生在華屋處二句鮑明遠放歌行不脫今君有何疾臨路獨遲迴二句曹子建求通親親表不脫有不蒙施之物一句枚叔七發不脫自太子有悅色至然而有起色矣二段并注凡數百字非本於宋刻而能若是乎此爲明嘉靖元年金臺汪諒新刊前有濮陽李廷相序稱薛德汪諒氏偶獲宋刻而毀諸梓非惟不知尤非不知張矣諒卽正

陽門內巡警鋪對面設金臺書鋪者

文選六十卷

明嘉靖晉藩刊本

梁昭明太子選唐文林郎守太子右內率府錄事參軍事崇賢館直學士臣李善注上晉府敕賜養德書院校正重刊

前有李崇賢上文選注表次列呂延祚進五臣集注文選表及上遣高力士宣口敕昭明太子撰文選序又嘉議大夫前海北海南肅政廉訪使余璉序此乃嘉靖四年乙酉晉藩重刊張伯顏本有四年晉藩書於敕賜養德書院序六年晉藩後序八年晉王臣知祥謹序三首及山西按察司提學副使蕭田周宣序稱文選舊刻於南畿國學歲久漫漶繼刻於唐藩禁幕深祕學者鮮窺焉嘉靖壬午春宣督學山西方欲遍購是編布諸學宮力未逮也晉王殿下聞之爲刻置於養德書院茲以宣將應廣東按察之命特命爲言以引其端殿下爲高皇帝七世孫天性

篤孝喜讀書嘗刻四書五經注解唐文粹宋文鑑趙松雪讀書
譜諸書遠近寶之養德其所請書院制額因以自號者也

增補六臣注文選六十卷

嘉靖洪氏刊本

梁昭明太子蕭統撰唐李善張銑呂延濟李周翰劉良呂向注明
太子詹事府主簿洪樞校

嘉靖二十八年春錢塘田汝成序云梁太子蕭統招徠才彥元
覽前載爰櫛披珍分門萃類爲書三十卷題曰文選唐時李善
始爲箋釋呂延祚病其未備乃集呂延濟劉良張銑呂向李周
翰五人重加疏解後人併善注而傳之名曰六臣注凡六十卷
蓋皆奏進於元宗者故稱臣焉錢塘洪君子美得宋本而重鈐
之校舊精緻逾於他刻列昭明文選序呂延祚進五臣集注表
上遣高力士宣口敕李善上選注表於前又古迂陳仁子輯諸
儒議論一卷每葉二十行行十八字善注在前五臣注在後見

孫淵如平津館鑒藏記按聶心湯錢塘縣志洪梗以鍾孫蔭魯
事府主簿肅皇外紀載梗以女妻胡宗憲天祿琳瑯有洪梗
刻路史校印頗佳蓋深於嗜古者

六家文選六十卷

明吳郡袁氏仿宋刊本

梁昭明太子蕭統撰唐李善呂延濟劉良張銑李周翰呂向注
前列文選序梁昭明太子撰次上文選注表李善撰次國子監
准敕節文次進集五臣注文選表呂延祥撰次上遣高力士宣
口敕次日錄卷一第四行六臣名後剝去一行惟存皇明重刊
四字第三十卷後有皇明嘉靖壬寅四月立夏日吳郡袁氏兩
庚草堂善本雕兩行第四十卷後有此蜀郡廣都縣裴氏善本
今重雕於吳郡袁氏之嘉趣堂嘉靖丙午春日國朝改廣都縣
爲雙流縣屬成都府四行第四十一卷後有藏亭二字第五十
二卷後有毋昭裔貧時常借文選不得發憤曰異日若貴版鏤

之以遺學者後至宰相遂踐其言出庫塵錄三行庫誤慶字第五十六後有戊申孟夏十三日李清離一行第六十卷後有余家藏書百年見賜繡宋刻本詔明文選有五臣六臣李善本巾箱本白文小字大字殆數十種家有此本甚稱精善而註釋本以六家爲優因命工翻雕匡郭字體未少改易刻始於嘉靖甲午歲成於己酉計十六載而完用費浩繁梓人聚集今搜捐傳播海內覽茲冊者毋口開卷快然也皇明嘉靖己酉春正月十六日吳郡汝南袁生葵題於嘉慶堂

增補六臣注文選六十卷

明陸采撰吳郡氏州家

梁昭明太子蕭統撰唐文林郎太子右內率府錄事參軍事崇賢館直學士李善注備州常山縣尉呂延濟注都水使者劉承祖男劉良處士張胤昌向李周翰注茶陵前進士陳仁子校補

蕭統序李善表呂延濟表將軍高力士宣口敕又諸儒議論一

卷凡十三條大德己亥冬茶陵古迂陳仁子識云文選一編皆
纂輯秦漢魏晉文墨中間去取或不免涉諸君子議論錄卷
首因廣其意收拾遺漏者亦起秦漢迄昭明所選之時得四十
卷刊行名曰文選補遺云後有茶陵東山陳氏古迂書院刊行
本記按茶陵州志仁子字同甫桂孫子官登仕郎宋末膺薦舉
不仕於元博學好古營別墅於東山人稱東山陳氏

大家文選六十卷

明刊本

梁昭明太子撰唐五臣注崇賢直學士李善注

前有梁昭明太子撰文選序次顯慶三年九月十七日文林郎
守太子右內率府錄事參軍崇賢館直學士臣李善上文選注
表次國子監准敕就三館雕造文次開元六年九月十日工部
侍郎臣呂延祚進集注文選表次上遣高力士宣口敕文版匡
較袁氏翻宋崇寧本尤闊大每半葉十一行每行大十八字夾

注小字二十六字版心又選幾卷略帶行書下偶記刻工之姓
五臣注在前李注在後卷末木記已被剗去與袁氏本題銜既
不同當爲明時別一刊本不能定爲誰氏也有樂安孫氏珍藏
書畫印孫嵩私印鐵崖三圖記

選詩句圖一卷

舊鈔本

高氏似孫集

此書似孫仿張爲主客圖之例爲之有自序云杜公訓兒熟精
選理兒豈能熟公自熟耳重參公法全律用六朝句不特公也
宋龔晉齊沿宋凡茲諸人互相憲述神而明之人莫知之惟李
善知之予亦知之乃爲圖話略表所以憲述者法精且祕悟其
杜矣姑畧兒兒熟否雖然莫欺也勉諸壬午十一月二十一日
鈔手甚舊二百年前物也

玉臺新詠十卷

明正德仿宋刊本

陳尚書左僕射太子少傅東海徐陵字孝穆撰

前有陵序銜名與集題同劉肅大唐新語云梁簡文爲太子好作豔詩境內化之晚年欲改作追之不及乃令徐陵爲玉臺集以大其體似此集成於梁代今本題署或後人所追改也未有永嘉陳玉父後序稱幼時至外家李氏於廢書中得舊京本版有剽者欲求他本是正多不獲嘉定乙亥始從人借得豫章刻本纔五卷又聞石氏所藏錄本復求觀之以補亡脫於是其書復全云云每葉三十行行三十字每卷有篇目連屬詩詠小楷精湛明正德翻刊也案舊京本當是北宋所遺玉父敘稱乙亥乃宋寧宗嘉定八年後雕行永嘉陳埴陳宜中多著聲聞玉父殆其族屬歟

玉臺新詠十卷續五卷

嘉靖刊本

潘叔潤藏書

陳東海徐陵編

藏書志卷三十八

五

前列陵序題陳尚書左僕射太子少傅東海徐陵次名家世序
漢十四人魏七人晉十九人宋十五人齊八人梁六十四人陳
三十五人北魏四人北齊四人北周四人隋十九人每卷有目
錄續選不著名氏皆陳後主徐陵謝燮祖孫登周宏正張見正
陸瓊陸系江總沈炯劉刪吳思元蘇子卿顧野王吳尚野徐堪
荀仲舉何楫王瑳盧詢李元操賀徹裴讓之王容王德周南蕭
放馬元熙蕭攜王褒盧思道薛道衡辛德源盧茂松公瞻李巨
仁張文恭王脊魏彥深丁六娘僧法宣陀君攸蕭潛徐伯陽岑
之敬傅繹魏收隋楊素虞茂許倪賈馮吉蕭琳陳叔達殷謀陳
少女馮淑妃周明帝何妥陳伯材李月素羅愛愛秦玉鸞蘇蟬
異張碧蘭之詩也後有嘉靖二十二年華亭張世美跋稱吾松
舊有宋刻木楊君士聞遂購而校刻頗爲精善云有古吳潘念
慈收藏印記潘叔潤圖書記潘介祉王荀四印

唐四傑集八卷

明刊本

葉石君藏書

唐王勃楊炯盧照鄰駢字王撰

各上下二卷傳是樓書目有初唐四傑集孫淵如書目有唐四傑集不著輯人姓名影寫宋刊本此其近之有樸學齋圖書朱印

陳中集一卷

影鈔宋本

唐元結次山編所錄沈千運王季友于遯孟雲卿張彪趙徵明及其弟融七人之詩凡二十四首皆聲希味淡之作前有乾元三年自序云嗚呼自沈公及二三子皆以正直而無祿位忠信而久貧賤仁讓而至喪亡異於是者顯榮當世誰爲辨士吾欲問之天下兵興於今六歲人皆務武斯爲誰問已長逝者遺文散失方阻絕者不見近作靈隱中所有總編次之命曰陳中集且欲傳之親故冀其不忘於今末有臨安府太廟前大街尹家

藏書志卷三十八

六

書籍補刊行一條實影宋木耳

國秀集三卷 明刊本 小學齋藏書

唐芮挺章編挺章仕貫無攷但稱國子進士前有樓穎序稱天寶三載都爲一集自天官侍郎李嶠至進士祖詠凡九十人詩二百二十首而芮樓之詩七篇亦在其間宋元祐戊辰龍溪曾彥和題大觀戊子冬賀方回傳於曾氏名欠一士而詩增一篇一今按之實八十五人詩二百十一首有小學齋黃鈞次歐三印國秀集三卷 舊鈔本 宋竹垞藏書

唐進士芮挺章撰

天寶三載國子進士樓穎爲序元祐戊辰曾彥和題後舊鈔本字極古雅有樵李項藥師藏秀水朱氏潛采堂圖籍徐氏元佐周氏景武臣周仲子印震澤草堂圖書孺子後人趙氏輯寧素門欽西鮑氏知不足齋藏書諸印疊爲名家收藏珍重可知

極元集參二卷

萬歷刊本 何夢華藏書

唐杭州刺史姚合集明武林外史古庵邵重生參孫男泰來泰清較

合詩點綴刻畫偶涉細碎而所錄二十一人之詩一百篇轉多高作自命爲詩家射鵰手洵不溢美計有功唐詩紀事凡集中所錄詩必注曰右極元集所取其見重於宋代可知前有姚武功自題及元至元五年建陽蔣易序明萬曆丁亥古庵邵重生復爲之參自爲之序殆元之又元也首有詩則曰詩有一長有二經有三正有四則有五體有六成有七成各分著參說於下有黃汝亨虞滄貞兩序重生爲弼經邦之後隱於靈鷲山中數十年足不入城市此書參於山中亦吾杭詩壇掌故也版心下刻藏之名山四字有何元錫印

松陵集十卷

汲古閣刊本 盧抱經校藏

以所業謁璞因與日休相贈答同時顏萱張資鄭璧司馬都李穀崔瑤魏朴辛照業各有附詩應蒙編而成集日休題名兼序之也明宏治壬戌吳江合濟南劉清民得舊本授儒士盧雍校刻都穆爲跋而毛子晉別得宋刻重刊卷端題汲古閣正本吳門寒松堂藏版又鈐詩卷長留天壤開一印此本有存心之印玉巖數閒草堂藏書及盧文弨文弨讀過諸印蓋盧氏父子世藏者也

二皇甫集五卷 明活字本

明河中劉潤之輯二皇甫集七卷王延相序楊慎跋冉字茂政丹陽人天寶十五載進士官至左補闕曾字孝常天寶十二載進士官至監察御史獨孤及序稱麗藻競爽盛名相亞此活字本冉集三卷曾集二卷有有竹人家一印

寶氏聯珠集五卷

舊鈔本

張芷齋藏書

唐褚藏言所輯聯珠義取一家言以偕列郎署法五星如聯珠之意首寶常字中行官國子祭酒次牟字貽周官司業次羣字丹列官容管經略唐史有傳兄弟附焉次庠字胃卿官婺州刺史次羣字友封官秘書少監皆拾遺叔向之子唐書藝文志著錄末有戊戌中元前一日夷門旅舍書蓋晉天福三年張昭跋也又有刑部員外郎兼太常博士和峴記及和嶠題字時在乾德二年六月又有清熙五年四月朝散大夫權知蘄州軍州事北海王崧跋毛晉嘗刻之於汲古閣此舊鈔似在毛氏未刻之先有松下藏書張載華印佩兼觀樂生芷齋圖籍諸印

二十家唐詩不分卷

明鈔本

右司空曙武元衡權德輿羊士諤李益秦隱君包何包佶韓翃平願況李嘉祐戴叔倫祖詠崔曙嚴維嚴武盧綸皇甫冉皇甫

曾郎士元之詩皆明人從宋槧影寫不知何人所輯考四庫著錄有五十家唐詩自太宗至儲光義提娶疑爲徐獻忠百家唐詩之殘本此所存二十家均在光義之後或徐氏從宋刊寫出爲百家之底本耳

古文苑二十一卷

元刊本

不著編輯名氏陳振孫書錄解題云世傳孫匡源於佛寺經龕中得之所錄自周迄南齊詩賦雜文凡二百六十餘首皆史傳文選所不載宋槧九卷末有淳熙六年韓元吉記此宋章樵注分爲二十卷末一卷則以舊載文多殘缺存俟博訪者前有紹定壬辰樵自序樵字升道號峒麓昌化人嘉定元年進士注書時方知平江府吳縣事後官知漣水軍授朝散郎知處州天祿琳瑯載有元刻缺江師心盛如杞二序此本亦缺字盡古雅紙色渾舊蓋元槧也

古文苑二十一卷

明宏治奉新縣刊本

時還軒藏書

前有潛熙六年六月穎川韓元吉記此本二十卷又殘缺待訪一卷乃紹定壬辰七月望日朝奉郎知平江府吳縣事武林章樵升道注自爲之序嘉熙丁酉良月江師心序稱章君倅毘陵日欲繡諸梓適拜司鼓之命以稿屬之後政程士龍歲在六月丙申畢工其子潛訂誤二百餘字又潛祐丁未盛如杞序如杞爲樵兄之壻爲之校補此書者也似宋代已有婺州毘陵兩刻又疊次修版早非經命舊帙矣此明成化壬寅淮南張世用出示閩藩張琳發雕建陽書肆而宏治己未知奉新縣事王嶽又從而翻雕有時還軒藏書記王沅私印並梅氏廉隱諸印

文苑英華一千卷

隆慶閩中刊本

翰林院學士朝請大夫中書舍人廣平縣開國男食邑三百戶上柱國賜紫金魚袋宋白等奉敕纂

宋太平興國七年詔李昉扈蒙徐鉉宋白賈黃中呂蒙正李至李穆楊徽之李範楊礪吳淑呂文沖胡汀戰貽慶杜鎬舒雅等閱前代文集撮其精要以類分之爲文苑英華續命蘇易簡王祐范杲宋湜與宋白等共成之雍熙三年上書一千卷考宋纂三大書太平御覽冊府元龜綱目有刻本惟英華不行於世至孝宗朝周必大建議祕閣本御前校正遂爲定本有纂修文苑英華事始必大識語刊於嘉泰收元春至四年秋訖工每卷後有登仕郎胡柯鄉貢進士彭叔夏校正卷末有成忠郎新差充鈞州臨江巡轄馬遞鋪王思恭點對兼督工二條迨明隆慶元年巡按福建御史胡維新檄福州知府胡帛泉州知府萬慶校梓維新自序及塗澤民序并首刊承刊等官銜名維新餘姚人嘉靖己未進士後官參政澤民漢州人嘉靖甲辰進士時爲巡撫福建都御史有藏吳東三藏書印

文苑英華辨證十卷

影宋鈔本

鑑止水齋藏書

宋彭叔夏撰前有嘉泰四年冬十有二月己丑朔自序又庚申元日吳城記云明華燧刻文苑英華纂要序云宋孝宗閣祕閣所貯文苑英華苦太舛錯命周益公集諸學士校勘和仍謬誤轉失其真逮益公致政歸田始得重加研訂分類而成八十四卷復注辨證十卷高緝古彭叔夏贊助之功爲多據華序則纂要辨證二書俱出益公手筆叔夏不過贊助其閒耳今觀卷首原序蓋本益公之命成辨證十卷竟以爲益公誤矣且緝古同贊助之功序內又何以并不言及耶此序刻本所無明代刻書家大率刪去原序以自序冠於簡端殊失舊觀此爲宋本影鈔故可珍也有吳城印德清許氏陔華堂藏書諸印

文苑英華辨證十卷

舊鈔本

陳仲魚藏書

附錄周益公校正文苑英華議後一則王伯厚困學紀聞一條

及乾隆甲午乙未南樵山人李文藻校語二則乾隆辛丑錢塘周嘉猷記一則有嘉猷印勃海陳鱣題名及仲魚一印

文苑英華辨證十卷

盧抱經校聚珍本

宋彭叔夏撰

前有自序題嘉泰四年冬鄉貢進士廬陵彭叔夏識北宋之初古籍多存文苑英華既無雕本亦不見珍逮及南宋舊本漸稀乃始藉以考見而傳寫已多失真周益公重爲校正叔夏贊助其事因輯此編分二十一例考訂異同極稱精核此乾隆癸卯東里盧文弨手校聚珍本每卷尾有朱筆題識並有抱經堂藏盧文弨印弓父手校諸印

文粹一百卷

元刊本

成邸藏書

吳興姚鉉纂

鉉字寶臣廬州人自署吳興從郡望也太平興國中進士郡齋

讀書志稱其文辭敏麗藏書多有異本累遷兩浙轉運使此書
采唐世文章分編爲五十卷後增廣之坐事謫居連州嘗寫所
著文粹百卷好事者於縣建樓貯之吏苦寫錄私喫鹽水冀其
速壞後以火焚其樓時未鏤版也宋寶元二年臨安進士孟琪
始爲刊布殿中侍御史吳興施昌言有後序迨紹興九年正月
臨安府重行開雕有唐文粹一部計貳拾册已委官校正訖題
字又有校刊銜名十一行此本書名無唐字其賦頌等總幾首
卽在首行書名下次行撰人姓名次二行聖德與含元殿賦等
并列不分兩行尙仍宋刻之舊每葉三十行行二十五字前姚
後施兩序不闕有皇十一子詒晉齋印兩方蓋成邸舊帙也又
有溫葆清印一方

重校正唐文粹一百卷 明嘉靖甲申刊本

吳興姚鉉纂

前有鈐自序後有嘉靖甲申弋陽汪偉器之序云舊刻流傳漸少其存者亦多謬缺余得清溪倪公家藏本公記云脫落者四之一篁墩程編修爲余補之蓋書於成化癸巳余復手自校讐差完善可讀甲申冬以吏部侍郎致仕歸過姑蘇太守胡侯世甫出示新本寫善鏤精回視所藏燕石耳侯曰此太學生徐煊家刻也云云末有嘉靖甲申歲太學生姑蘇徐煊文明刻於家塾一條又姑蘇後學尤桂朱整同校正兩行

西昆酬唱集二卷

明鈔本

淡生堂藏書

前有翰林學士戶部郎中知制誥楊億序曰余景德中忝佐修書之任得接羣公之遊時今紫微錢君希聖祕閣劉君子儀並負懿行文尤精雅道二君成人之美真之同聲更迭唱和互相切劘予參酬繼之末凡五七言律詩二百四十七章其屬而和者又十有五人析爲二卷命曰西昆酬唱集云後列詩人姓氏

爲楊億劉筠錢惟演李宗諤陳越李維劉鴈丁謂刁衍張詠錢惟濟任隨舒雅晁迥崔遵度曾映劉秉乃十七人豈劉錢二公唱而非和故不列入耶前有嘉靖丁酉高郵張縉刊序何明末諸家竄目甚罕耶舊爲祁曠翁收藏有滌生堂經籍記山陰祁氏藏書之章二印

九僧詩一卷

舊鈔本

此書錄宋僧詩凡希畫十八首保暹二十五首文兆十三首行肇十六首簡長十七首補遺一首惟風十三首惠崇十一首補遺一首并摘句守昭十二首懷古九首歐公六一詩話云國朝浮圖以詩名於世者九人故時有集號九僧詩今不復得矣晁公武郡齋讀書志九僧詩一卷一百十篇陳振孫書錄解題一百七首而汲古閣所得宋本多至一百三十四首并據清波雜志九僧各載地里又以瀛奎律髓一篇添入守昭之下似與宋

本稍歧余蕭客嘗題其後黃堯圃藏影宋本所載同此則嘉慶庚申吳氏嘉泰手寫行楷極有妙致有新有軒悠然滄海情生計一壺酒慵靜居士不因人熟諸印

續會稽掇英集五卷

影黃叔寶寫本

按會稽掇英集二十卷宋孔延之編熙寧壬子自序四庫已

據淡生堂祁氏鈔本著錄續集五卷既未收錄阮氏元亦未進呈卷末題將仕郎試祕書省校書郎守越州會稽縣主簿黃康弼編次將仕郎守大理評事簽書鎮東軍節度判官廳公事徐鐸重校前有宣奉郎太常丞充集賢殿修撰前知明州軍州事李定序會稽瀕江岸大海爲浙東大府熙寧丁巳朝廷以給事中集賢殿修撰程公出領牧事於是中外鉅德臺省諸英各賦詩以贈行合一百二十五篇將刻石州守馳書屬序云云此五卷詩數相合考嘉泰會稽志程名師孟熙寧十年十月以給事

中充集賢殿修撰知元豐二年十二月替熙寧十年歲正丁巳
下卽元豐改元戊午程公守越僅逾二年當時賦詩餞行多至
一百二十餘家足以瞻風氣之盛其中王安石標工部郎中知
制誥與正集之獨稱王安石爲史館主相者不同似當時本爲
專集後則附掇英以傳達題續集耳隆慶戊辰錢穀不知從何
處得錄萬厯庚申文震孟跋後嘉慶甲戌華亭沈慈珍藏長洲
王芭孫題識爾宋樓藏書志有此目

聖宋文選三十二卷

南宋建陽小字本

不著編輯姓名凡選十四家歐陽永叔二卷司馬君實三卷范
希文一卷王禹偁一卷孫明復二卷王介甫二卷余元度一卷
曾子固二卷石守道三卷李邦直五卷唐于西一卷張文潛七
卷黃魯直一卷陳堃中一卷皆選有經術政治之文凡詩賦碑
記絕不登載十四家中不及三蘇當是徽宗時所選魯直文潛

藏書志卷三十八

三

雖在黨籍而仍列其文豈文禁專重三蘇歟此宋槧小字本每半葉十六行行二十八字與黃蕘圃百宋一廛詩注相合中有元豐類稿集外文六篇尤所罕覩

聖宋文選全集三十二卷

書鈔本

朱竹垞藏書

前有無名氏序云語溪呂氏收藏宋元人文集最富復錄所未備者數十種屬余覓之是書與馬乙丑歲至京師朱檢討竹垞過余寓舍因以訪之假此授余鈔錄爰記其事是書藏自崑山徐立齋相國原本宋刻甚工然無有序紀始末與撰錄者姓氏檢閱焦弱侯經籍志廣矣備矣此獨闕焉豈非所云書或有錄而亡或無錄而在者歟大約所錄者有關於經術政治之大他若詞賦之作碑誌之文非關體要雖工勿取此其大指也有竹垞一印

策府詩集一百卷

元至正刊本

太原郭茂倩編次

是集前有至元六年永嘉李孝光及至正初元上饒周慧孫兩序上起陶唐下迄五代總括歷代樂府其解題則徵引浩博援據精審後來無能出其範圍元監察御史彭叔儀得而校讐使文學童萬元刻諸學宮每半葉十一行行二十字四庫提要據建炎以來繫年要錄茂倩爲侍讀學士郭夔之孫源中之子仕履未詳而陸心源儀顧堂跋據蘇魏公集謂茂倩字德榮東平人通音律善隸篆元豐七年河南府法曹參軍祖勸翰林侍讀學士給事中贈吏部尙書父源明字潛亮初名元庶字永敬嘉祐二年進士官至職方員外郎知單州軍州事與繫年要錄微異當再核之

新刊古今歲時雜詠四十六卷

舊鈔本

汪魚亭藏書

宋蒲積中編積中因宋宣獻綬舊編古詩由魏及唐所詠歲時

篇什卽郡齋讀書志載稱十八卷今益爲二十卷之本也復益以宋人之詠仍以元日至除夜二十八類爲目其祇題月令而無節序之詩附於後凡四卷宣獻原本詩一千五百六首此則二千七百四十九首較原本增幾一倍矣後之日涉編月令輯要要皆權輿於斯有汪魚亭藏閣書一印

新雕宋朝文鑑一百五十卷

明天順嚴州翻宋刊本

拜經樓藏書

朝奉郎行祕書省著作佐郎兼國史院編修官兼權禮部郎官臣呂祖謙奉聖旨銓次

先是臨安書肆有江錮所編聖宋文海孝宗得之命校正刊版周必大言其去取差謬遂命祖謙別輯此書書成賜名文鑑敕必大爲序中有云建隆雍熙之間其文偉咸平景德之際其文博大聖明道之辭古熙寧元祐之辭達雖體制互異源流闡出而氣全理正其歸則同嗟乎此非唐之文也非漢之文也實我

宋之文也不其盛哉序前題銜曰中書禮部尙書翰林學士兼侍讀左詹事兼修國史管縣開國子食邑五百戶賜紫金魚袋臣周必大奉聖旨撰又祖謙奉旨銓次劄子及謝銀絹除直祕閣表然祖謙編此頗干言議直齋書錄始云朱子晚年語學者曰此書編次篇篇有意非選粹比洵爲定論宋嘉泰興端平間有刻本此天順八年冬嚴州府張邵齡據宋本翻刊後來剗去國朝改爲宋朝痕迹未泯是爲明代接宋最初之刻也有拜經樓一印紙筆古雅不減宋刻

宋文鑑一百五十卷

明宏治嚴州刊本

鈕氏世學樓藏書

朝奉郎行祕書省著作佐郎兼國史院編修官兼權禮部郎官臣呂祖謙奉聖旨銓次

前有周必大奉敕撰序祖謙所進劄子謝表已佚後有宏治甲子秋鄱陽胡韶識云呂成公奉敕彙集建炎以前文字校正成

藏書志卷三十八

五

書凡一百五十卷而詔誥表疏詞賦詩騷箴銘贊頌碑記序文之屬悉備焉宋刻沿流逮今版刻散佚天順甲申江西大方伯張公邵齡守嚴州時浙江提學憲副張公節之得文鑑善本付邵齡以原本翻刻弗別繕寫無謬誤也歲久印摹益多版刻平乏宏治戊午韶自西曹知府事壽盡五六年求梓鳩工漸次克舉繼以版籍入南雍使四方之士得公所惠云韶字大聲甲辰進士此有明第二刻也有會稽鈕氏世學樓圖書一印

宋文鑑一百五十卷

嘉靖五年晉藩刊本

朝奉郎行祕書省著作郎兼國史院編修官兼權禮部郎官臣呂祖謙奉聖旨銓次

前有祖謙奉旨銓次劄子及謝賜銀絹除直祕閣表又周必大本敕序凡賦二十一卷詩十八卷騷一卷詔一卷敕赦文冊一卷御劄批答一卷制三卷詔四卷奏疏二十二卷表九卷牋箴

一卷銘頌贊各一卷碑文記九卷序八卷論義九卷策三卷詔
二卷說戒各一卷制策說書經義三卷書九卷啟三卷策問一
卷雜著三卷對問移文連珠一卷琴操上梁父文書判一卷題
跋二卷樂語一卷祭文謚議三卷行狀三卷墓誌六卷墓表神
道碑四卷傳露布二卷有嘉靖五年晉藩志道堂重刊序七年
晉藩書於養德書院後序嘉靖八年五月十三日皇帝書復一
道及知烺恭謝聖書序文一道有光字翁繩祖二印

詩準四卷詩製四卷

明刊本

何夢華藏書

宋何無適倪希程同撰無適希程里貫事實無考前有淳祐癸
卯暮春金華處士王相仲會父序云昔紫陽夫子考詩之原委
嘗欲分爲三章別爲二端自書傳所記虞夏以來及經史所載
韻語下及文選漢魏古辭以盡乎郭景純陶淵明之所作自爲
一編而附於三百篇楚辭之後以爲詩之根本準則又於其下

藏書志卷三十八

六

二等擇其近於古者各爲一編以爲之羽翼與衛紫陽之功又
有大於此者未及爲也每撫卷爲之太息友人何無適倪希程
前後相與編類取之廣擇之精而又放黜唐律法度益嚴予因
合之前曰詩準後曰詩翼有何元錫印白文方印

南嶽倡酬集一卷

舊鈔本

新安朱子仲晦廣漢張拭敬夫古田林用中擇之同著

乾道丁亥秋朱子與張敬夫林擇之同遊南嶽唱和之詩自甲
戌至庚辰凡七日題則五十有七詩則一百四十餘篇有朱張
二子序後附朱子與用中書三十二篇用中遺事十條及朱子
所作字敘二首用中號東屏古田人嘗從朱子游有天順四年
知襄陽府事吉水鄧淮序襄陽同知十一代孫果希仲後敘崇
禎壬申四明楊德周字先邑人余文龍重鐫序

聖宋名賢五百家詩芳大全文粹一百十卷

舊鈔本

宋魏齊賢葉芬同編齊賢字仲賢自署鉅鹿人芬字子實自署南陽人餘無考所錄宋代之文駢偶爲多凡五百二十家舉成數而稱五百不似五百家之注韓柳文而虛題之也卷帙既盈所采不免冗雜而遺篇墜簡賴此以傳者非少舊有紹熙庚戌南徐許開序此脫

新刊迂齋先生標注崇古文訣三十五卷

明刊本

宋樓昉編昉字陽叔號迂齋鄞縣人紹熙四年進士官至守興化軍是書三十五卷文凡百九十三首先秦三家兩漢十家三國一家六朝二家唐四家宋二十九家而韓歐之文爲多前有寶慶丁亥延平姚瑤序稱四明樓公暇守蒲邱積其平時苦學之力紬繹古作抽其關鍵以惠後學廣文陳君鉉梓以傳寶慶三年合沙陳森跋時森適備官廣文也天祿琳瑯著錄元麻沙小字本明大字重雕本此卷前有松陵後學吳邦楨吳邦杰

校正一條

西山先生真文忠公文章正宗二十四卷

明正德山西刊本

宋真德秀撰此書分四門曰辭命三卷曰議論十卷曰敘事八卷曰詩賦三卷前有綱目敘所以選輯之旨謂以明義理切世用爲主其體本平古其旨近乎經者取焉署紹定執徐之歲正月甲申學易堂書蓋理宗紹定五年壬辰也此明正德庚辰刻本安陽崔銑序云馬君敬臣以按察副使督學山西白於都御史張君汝吉御史孫君節之周君彥通監君宗堯刻之以振時文之陋陳振孫所謂去取甚嚴有以哉別有二十卷本刊刻較此爲後

天台前集三卷前集別編一卷續集三卷續集別編六卷

精抄本

前集三卷爲宋李庚原本臨海州學學諭林師茂增輯皆錄唐以前詩成於嘉定元年郡守宣城李兼爲之序前集別編一卷

則師蒧之子表民所囑附拾遺及癸未自記表民字逢吉又嘗
編赤城集者也有陳耆卿跋續集前二卷亦李庚原本後一卷
則師蒧林登林次魯等所續錄皆北宋人詩續集別編六卷則
表民所錄南渡後諸人之詩及續集所闕載者自著兩跋皆成
於淳祐戊申庚戌間也惟原本之李庚通考云字子長郡守李
兼序中有李榮出其先公御史所哀文集語又有寓公李公語
則嘗官御史而流寓天台者也林登與李次魯無考宋淳祐間
并赤城集刊之天一閣藏有刊本似從宋出此其影寫者

赤城集十八卷

舊鈔本

汪魚亭藏書

宋林表民編表民其先東魯人後徙臨海嘗續陳耆卿赤城志
又續其父師蒧天台前集爲天台別集於鄉邦文獻尤素留心
此取有關赤城之記志書傳銘誄贊頌之文爲志所未載者彙
而輯之淳祐八年八月直敷文閣江南西路轉運判官兼權隆

興府吳子良爲之序尙有詩十卷久佚未見有汪魚亭藏閱書
一印

聖宋高僧詩選三卷後集三卷續集一卷

舊鈔本

錢塘陳起宗之編

前有新城王士禎題云宋九僧詩見歐陽公六一詩話言其集
已不傳世多不知所謂九僧者據周輝清波雜誌云九僧爲劍
南希畫金華保暹南越文兆天台行肇沃洲簡長青城惟鳳淮
南惠崇江東宇昭峨眉懷古今宗之所選前集九人適合疑卽
宋九僧詩也清波誌又云九僧詩極不多景德五年直史館張
九僧序其集引惠崇人遊曲江少草入未央深之句惜皆不載
當是節本張序因以選錄而去之耳大抵九僧詩規撫大歷十
子稍容遶幅若河分圖勢斷春入燒痕青自是佳句而輕薄子
有司空曙劉長卿之嘲過矣後集凡三十三人以質實壓卷文

瑩道潛清順皆在焉文瑩嘗撰玉壺清話道潛卽參寥清順爲
東坡所賞續集十九人以祕演壓卷惠洪守詮皆在焉祕演歐
陽永叔友守詮亦東坡所喜而惠洪名尤著許彥周詩話云覺
範題李愬畫像云云當與黔安並驅黔安謂山谷仲殊參寥雖
名世皆不能及也末宋僧詩補三卷乃宗之之孫彥高所輯意
在全兩宋釋子之詩究多未備云

增廣聖宋高僧詩選五卷

精鈔本

錢塘陳起編

右前集一卷希畫十八首保暹二十五首文兆十三首行肇十
六首簡長十七首惟鳳十三首惠崇十一首守昭十二首懷古
九首後集卷上贊寧三首智仁三首鑒微二首尙能六首子熙
四首用文六首文瑩二首秀登三首惠璉七首惠嚴四首顯萬
九首後集卷中延壽三首智圓三首遵式九首重題一首契嵩

藏書志卷三十八

九

三首寶曆一首惟政二首仲休一首顯忠一首清晦一首南越
一首楚巒一首道潛三十二首後集卷下善權十五首梵崇十
七首曇穎一首清順二首元照一首曉瑩一首曇瑩五首仲皎
一首希雅一首續集一卷祕演七首擇鄰一首清外一首繡常
七首正勤一首昭符一首法具四首如璧六首惠洪八首道全
一首守璋一首希顏一首守詮一首正宗四首繼興一首遇昌
一首益一首法平二首慧梵一首士禮居藏書題跋有宋槧本
讀書齋巾箱本即據之雕印此則精鈔本也

唐僧宏秀集十卷

明刊本

荷澤李肇和父編

前有寶祐第六春中和節集自序云詩至唐爲盛唐之詩僧亦
盛唐一代爲高道爲內供奉名宏才秀者三百年間今得五十
二人詩五百首或取於各僧本集或出於諸家纂錄皆有按山

之力搜海之功汲古閣有刊本此明刻則在其先也

華賢小集八十八卷

舊鈔本

周松齋藏書

宋陳起芸居於臨安府棚北大街睦親坊設陳解元書鋪收刻海內詩人小集雖十數葉亦名一家命曰江湖集蓋一時舉場游客炫名之資并名公貴人小卷閒及北宋所遺本無一定家數卷數後以夜月梧桐皇子府春風楊柳相公橋之句爲史彌遠羅織起從遺成書亦劈版零落之餘尙留舊印錢塘吳志上允嘉得宋槧本珍祕倍至同人稍稍傳寫王漁洋得二十八家吳尺鳬彙爲六十四家馬秋玉得六十家卷各不同此爲海昌周范兮春舊藏校本凡高似孫疏寮小集一卷黃大受露香拾稿一卷吳汝式雲臥詩集一卷武衍適安藏拙餘稿一卷薛嵎雲泉詩一卷陳必復山居存稿一卷林尙仁端隱吟稿一卷朱繼芳靜佳龍尋稿一卷又乙稿一卷林同孝詩一卷葛天民無

懷小集一卷趙崇錫鷗渚微吟一卷洪邁野處類稿一卷施樞
芸隱倦游稿一卷芸隱橫舟稿一卷葉茵順適堂吟稿一卷鄒
登龍海屋吟一卷張至龍雪林剛餘一卷俞桂漁溪詩稿一卷
乙稿一卷姚鑄雪蓬小稿一卷余觀復北窗詩稿一卷陳允平
西麓詩稿一卷徐集孫竹所吟稿一卷杜旂癡齋小集一卷劉
過龍洲小集二卷毛翊吾竹小稿一卷吳淵退庵遺集二卷敖
陶孫臞翁詩集二卷朱南杰學吟一卷劉澣小山集一卷宋伯
仁雪巖吟稿二卷許師石瓜廬詩一卷張良臣雪窗小集一卷
張蘊斗野稿支卷一卷利登轍橐一卷葛起耕檜庭吟稿一卷
趙希櫛抱拙小稿一卷樂雷發雪磯叢稿五卷戴復古石屏續
集四卷周弼端平詩雋四卷李濤蒙泉詩稿一卷沈說庸齋小
集一卷陳起芸居乙稿一卷劉仙倫招山小集一卷釋永頤雲
泉詩集一卷吳惟信菊潭詩集一卷何應龍橘潭詩稿一卷王

同祖學詩初稿一卷黃文雷看雲小集一卷嚴榮華谷集一卷
許棐梅屋詩稿一卷融春小暇一卷梅屋三稿四稿二卷葉紹
翁靖逸小集一卷危稹巽齋小集一卷羅與之雪坡小稿二卷
鄧林皇琴曲一卷陳鑒之東齋小集一卷張秋江煙草一卷高
九萬菊欄小集一卷胡仲參竹窗小稿一卷林希逸竹溪十一
稿一卷劉翼心游摘稿一卷陶弼邕州小集一卷王琮雅林小
稿一卷李鮮弱綃集集句一卷梅花衲集句一卷其六十四家
八十八卷有梅花書屋胡爾榮印豫波阮嗣宗口不論人過吾
每師之而未能及周春松謫諸印

吳郡文粹十卷

宋蔚如鈔校本

黃克圃藏書

蘇臺鄭虎臣集

虎臣字景兆曾爲會稽尉宋德祐初自請監押賈似道殺之於
木棉庵者其輯錄吳郡遺文頗富關係建置沿革民生利病足

藏書志卷三十八

三

與范成大吳郡志相爲表裏此本爲古婁水宋賓王蔚如手校以贈新安程彥和疊爲題記後黃堯圃得之又著三跋跋中言蔚如尙校吳郡志亦歸士禮居不替合浦之珠今知吳郡志劫後尙存吳門蔣氏安得重爲珠聯耶有蔚如丕烈私印堯圃結翰墨緣請印

二十先生回瀾文鑑十五卷後集八卷

宋麻沙刊本

承奉郎迪州簽書判官廳公事虞祖南承之評次幔亭虞夔君舉箋注

兩虞仕履無考夔題幔亭或爲閩人是書目錄後有建安江仲達刊於翠玉堂長方本記後有二十先生行實一葉每葉二十四行行十九字宋諱有缺有不徹蓋麻沙坊刻也宋史藝文志不載倪燦補宋藝文志有類編回瀾文選十卷後集二十卷別集十卷范氏天一閣書目始著於錄注四十卷藍絲格鈔本缺

首六卷序目均佚疑與倪補志所載同卽一書合計之則四十卷分言之則有前後別之異書名微有不同者坊賈之爲也所採二十先生爲司馬溫公范文正公孫明復王荊公百祖律汪龍溪洪容齋張南軒朱文公呂東萊周益公楊誠齋劉屏山鄭良軒林拙齋劉謙齋張晉庵方鑑軒戴少望陳順齋之文凡一百篇略注音之反切文之挂意起伏事之來歷每篇各有評論內如良軒謙齋晉庵庵鑑軒少望順齋六家之文今皆罕傳得此尙見崖略惜原書二十卷內缺第八至十四六卷乃從天一閣假鈔方謂范缺之首六卷此本已有得以兩全詎天一亦半毀於兵僅鈔得第八一卷另集之十三至二十凡八卷旣無全集可稽序跋可核事實可求第十三卷所採者爲馬存爲張耒爲李觀十四卷爲胡寅十五卷撰名闕十六卷爲陳傅良十七卷爲陳亮十九二十卷爲葉適舊注凡一百二十篇而七十三篇

以上則不可知矣有溫陵張氏藏書一印

疊山先生批點文章軌範七卷

九刊本

陳仲魚藏書

廣信疊山先生謝枋得君直編次

疊山文集已散佚不全所選文章軌範分放膽小心二門選擇頗精目錄後有門人王淵濟議云有集惟送孟東野序前赤壁賦爲先生親筆批點其他篇僅有圈點而無批注若歸去來辭與出師表併無圈點蓋漢丞相贊處士之大義清節乃先生所深致意者也今不敢妄自增益姑闕之以俟來者此本爲元時所刊以侯王將相有種乎七字分標七卷有陳仲魚手校一印

注解章泉澗泉二先生選唐詩五卷

明初刊本

黃堯圃藏書

章泉先生趙蕃昌甫精選澗泉先生韓流仲止精選疊山先生謝枋得君直注解

此書儀徵阮元撫浙時進呈

四庫未收書提要云宋謝枋得

撰按趙蕃字昌父韓流字仲止皆江西上饒人爲清江劉子羽之門弟子當時名人魁儒如葉適湯漢皆推重之此書五卷自韋應物至呂洞賓共五十四人計詩一百單一首皆七言絕句也而李白杜甫韓愈元稹之流皆不入選惟劉禹錫選至十四首爲最多其餘諸家皆寥寥蓋其體例出於唐人故與極元集之類相似枋得之注能得唐詩言外之旨可以爲讀唐詩者之津筏卷端有枋得自序序爲建安王道可而發此書世罕傳本惟錢曾也是園書目有之而不載於敏求記枋得之書傳世甚少宋史本傳藝文志皆不載書以人重不僅以罕觀爲珍也卷末題崇禎甲戌秋七月二十八日顧孔殷藏書有顧孔殷印禹功顧殷之印禹功四印又崇禎乙亥蒲節後三日南溪張國祥書鈐有張國祥印康熙甲戌秋七月孫文林重裝有文林印道光紀元八月下弦日復見心翁題云此柱國王氏遺書也賈人

收得疑爲宋刻余曰此宋人選唐詩耳乃明刻非宋刻也書載述古堂目卷數亦合卷尾藏書諸家各有題識并圖記惟顧孔殷一人似乎其名甚熟適訪顧子湘筠因閱張氏蠶微錄末後有墨筆畫人姓名附記諸條中有顧殷禹功當卽其人較此簽記少一孔字或孔字係大排行故從省也惜其藝能傳籍貫不傳耳有黃丕烈印士禮居士禮居藏三印

月泉吟社詩一卷

小鞠川鈔本

浦陽盟詩潛齋吳渭清翁

潛應旂浙江通志云月泉在浦江西二里其泉視月盈虛爲消長宋政和間縣令孫潮疏爲曲池咸淳間縣令王霖龍構精舍於泉上元改爲書院渭一號潛齋浦江人嘗官義烏令入元退居月泉至元丙戌丁亥間徵賦春日田園雜興共得詩二十七百三十五卷倣鎖院試士之法以謝翱吳羽爲主考選中二百

八十名自第一名羅公福至六十名賞羅縑深衣布筆墨有差揭榜後刻爲詩錄并附摘句遭兵燹泯沒至正統十年其裔孫克文得舊本重刊水南田汝封爲序

蘇門六君子文粹七十卷

明刊本

不著編輯姓氏或傳陳亮所輯亦無確據史稱黃庭堅張耒晁補之秦觀爲蘇門四學士此則益以陳師道李廌稱蘇門六君子其文皆從諸家集中錄出凡淮海十四卷宛邱二十二卷濟北二十一卷濟南五卷豫章四卷后山四卷大抵議論之文爲多李廌集世無傳本藉此可以補苴板刻雖在崇禎而雕鏤出於武林益可珍也前有雲間陳繼儒序有曹氏巢南是亦樓藏書印趙氏鑑藏諸圖記

三國志文類六十卷

精鈔本

不著編輯姓名宋史藝文志所載已如是云凡分二十三門首

詔書次教令次表奏次書疏次諫諍次戒責次薦稱次勸說次對問次議次論次書次牋次評次檄次盟次序次祝文次祭文次誄次詩賦次雜文次傳上自漢末下及晉初其中勸說對問二門當時口語初非詞翰取盈卷帙而已宋有刊本此則依鈔者也

宋詩拾遺二十三卷

舊鈔本

錢塘陳世隆彥高編輯

世隆爲宋睦親坊書坊陳氏之從孫行其編輯當代詩篇猶承江湖集遺派故題曰拾遺嘗館嘉禾陶氏至正閒沒於兵厲樊榭撰宋記紀事亦未見是書其中失收甚多也

詩家鼎鑪二卷

勞舜卿鈔校本

前有曹倦圃序云宋季江湖詩派以尤楊范陸爲大家茲選均不及惟推服紫芝石屏後村儀卿其餘人各一二詩止隘矣疆

事日盛如處漏卮里巷之儒猶刊詩卷相傳且諸人姓名有他書別無可考獨見之此編者存以徵晚宋故實可也又勞舜卿識云全芳備祖前集十九卷桐花類引鼎鑪集詩按之此編果方士繇崇安分水道中下二句也足證宋人所選不必以未經著錄致疑耳

柴氏四隱集三卷

吳志上鈔本 汪魚亭藏書

宋國史秋堂柴望瞻帖居士柴隨亨澤臞居士柴元彪著

首有江山知縣李斗序及萬厯戊子十一世孫復貞四隱集序次至正四年楊仲宏撰秋堂詩集序里人蘇幼安撰秋堂柴公墓志銘又知衢州府李遂撰柴公隨亨墓志十一世孫復貞撰四隱後序十一世孫時秀刻四隱集跋吳志上允嘉手識云按集名四隱而目錄所載實止三人其所謂制參吉甫公元亨則無一字何也豈刻本原完而輟轉鈔錄遂失之歟有汪魚亭藏

閱書一印

柴氏四隱集二卷

吳氏瓶花齋鈔本

趙素門藏書

雍正丙午蟬花居士吳焯題云四隱君者柴氏望與隨亨元亨元彪并兄弟行也望上丙丁龜鑑所忤時相爲吏部之京尹論救者爲趙與簋此據宋史及咸淳臨安志職官表隨亨登寶祐四年文天祥榜進士元亨爲同榜進士元彪登咸淳四年陳文龍榜進士並見三衢志此補集中之未備也集序稱元亨之官曰制參而望之詩中有送監丞弟參江陵闕則元亨當授官監丞序稱元彪曰察推亦本之望詩題中二君無碑傳可考故官闕騎如其子姓亦未之攷復貞編此集張斗序之斗序雖云得四隱公集而讀之而復貞序已云吉甫公集無傳則元亨集原闕其實只三人集而以四隱之名槩之也四君名節甚高集內諸篇頗可誦志乘略不傳其人內府錄宋人詩最廣自望之

外餘俱無聞焉此集在世間希矣此田居侍御王玲瓏閣舊本戴子佩瑣爲田居之甥謀刻之以廣其傳將以揚其宗風也爲手校而歸之尙有焯再記及焯錄龔翔麟小記云萬厯刊本流傳絕少近從東莊呂氏借得黃俞邵藏本影鈔故版口有講習堂三字又萬厯戊子十一世孫柴復貞前序後跋有焯尺牘舊雨樓書畫印古歡書屋竹景庵印舊爲趙素門藏也又有汪魚亭藏閩書一印

新刊中州集十卷中州樂府一卷

明宏治刊本

馬笏齋藏書

金元好問裕之編裕之避兵南渡悼金源氏亡誓不更仕晚年以著作自任乃築野史亭隨記聞見以寓感慨中州集十卷亦其一也前有自引綜二百四十五人略述小傳首載顯章二宗之作卷後附父兄詩尤見忠孝之忱是書初刻於至大庚戌龍山趙氏國寶標題翰苑英華中州集再刻於延祐二年而黃蘗

圃別藏金刊本土禮居藏書題跋云復見一本每葉二十二行每行二十一字殆宏治刻也後有顧齋張德輝序惜與舊本行款未對不獲鈔補云此本行數字數悉合又有張德輝序但宏治本有華容嚴永濬序稱侍御史沁水李公景仰是集爲鄉先哲所自錄因託刊誤與四方博雅其論焉後序卽張德輝所撰此豈書賈去其嚴序以充元刻耶後附中州樂府一卷汲古閣所据以上版者乃嘉靖丙申毛鳳韶稱嚴山陸公家藏本子晉識云小傳已見詩集中不復贅殊不知鄧千江宗室文卿張信甫王元佐折元禮五人俱未見詩中小敘一概芟去未免失檢書貴舊刻豈不益信有馬玉堂笏齋二印

中州集十卷中州樂府一卷

舊鈔本

河東人元好問裕之集

詩集前有宏治丙辰華容嚴永濬序云裕之身任翰墨蔚爲一

代宗工凡四方碑版銘志盡趨其門一時君臣上下遺言往行
篇章制作訖無罅漏今所傳中州集蓋其纂述之一也集以甲
乙次第爲十卷卷各取其人之出處表諸首而以所作隸其下
末又以樂府終之歷二十寒暑而始成侍御沁水李公景仰鄉
前哲所錄命爲刊誤云云次好問自敘後有顧齋張德輝耀卿
序又毛晉重刻識語樂府前有嘉靖十五年漢嘉彭汝實序稱
中州樂府凡三十六人總一百二十四首以其父明德翁終焉
人有小序志之蜀左轄儼山陸先生偶得是編謀梓之嘉定守
貴陽高登遂刻之九峰書院後有屬吏毛鳳韶跋又毛晉識語
此本皆依毛刻細楷書成嚴序後過何義門焯題云毛氏刻此
書時所見者止嚴氏重開之本其行款俱不古斧季丈曾從都
下得蒙古憲宗五年刊本爲東海司寇公豪奪以去今汲古閣
止有壬癸及閏集三卷耳辛巳三月余偶從高陽許氏見甲乙

二卷因略記其行款於書額蒙古至世祖始以中統紀元乙卯則在宋爲寶祐三年當金亡後之二十三年又二十五年而宋亡時北方新出水火故開雕亦無良匠云又過錄袁又愷注云乾隆乙卯八月三日有書賈持何批中州集來索值甚昂因錄其所著舊本行款證之

注唐詩鼓吹十卷

元至大戊申江蘇儒司刊本

資善大夫中書左丞郝天挺注

金元好問編所錄皆唐人七言律詩凡九十六家共五百九十六首趙孟頫序云中書左丞郝公當遺山先生無恙時嘗學於其門其親得指授者蓋不止於詩而已公以經濟之才坐廟堂以韋布之學研文字出其博洽之餘探隱發奧人爲之傳句爲之釋或意在言外或事出類書公悉取而附見之又姚牧庵燧序云遺山人郝公新齋視爲鄉先生自童子時嘗親几杖得

其去取之指歸既輯所問與奇文隱事之雜見他書者悉附章
下則公可當元門忠臣其又鄭箋之孔疏歟又蜀西武乙昌序
又盧肇後跋按四庫提要引三餘贅筆此書至大戊申江浙
儒司刊本舊有姚燧武乙昌二序此本佚之又以陸貽典據金
史盧逸傳謂天挺乃好問之師非其門人又早厭科舉亦非中
書左丞疑趙文敏序稱之語池北偶談始有兩郝天挺一爲還
山師一爲弟子之辨若當時早見此刻亦可息喙矣今去陸敕
先二百載居然獲得故土原槧姚武二序完善又多德七年
盧肇後序豈不可寶也耶

二妙集八卷

明鈔本

許周生藏書

金段克已段成己兄弟詩集趙秉文嘗目之曰二妙集故以名
前有臨川吳澄序云伯氏諱克已字復之入稱遜庵先生在金
以進士貢金亡餘二十年而卒終身不仕仲氏諱成己字誠之

人稱菊軒先生在金登進士第主宜陽簿年過八表元至元間卒雖被提舉學官之命亦不復仕遜翁之孫輔由應奉翰林敷歷臺閣今以天宮侍郎知選舉邂逅京師出此命敘云又蜀郡虞集撰河東段氏世德碑銘後有泰定四年段輔誌顯祖遜庵君與從祖菊軒君才名道業推重一世值金季亂亡避地龍門山中遜庵君既歿菊軒君徙晉寧北郭閉門讀書餘四十年遺文惜多散逸幸存者古律詩樂府三數百篇皆先侍郎手自紀錄謹梓藏家塾明成化辛丑中州賈定守絳州又爲梓傳此依成化本過錄也有碧梧草堂白雲深處德清許氏咳華堂藏書三印

河汾諸老詩集八卷

舊鈔本

振綺堂藏書

橫汾隱者房祺編

祺平陽人爲大同路儒學教授自稱橫汾隱者殆罷官後乃編

斯集歟凡編麻革信之張字彥升陳賡子颺陳庚子京房緣希
白段克己復之段成已誠之曹之謙益甫八人之詩詩各一卷
皆金之遺老也前有宏治十一年河南按察司副使蒯澤車璽
序後有大德辛丑房祺自序及高昂霄毛晉兩跋有汪魚亭藏
閱書一印

梅花百詠一卷附中峯梅花百詠一卷

明鈔本

元馮子振倡詠釋明本和詠

子振字梅粟攸州人官承事郎集賢侍制意輕一世明本錢塘
孫氏子號中峯居吳山聖水寺與趙子昂友善偕訪海粟出示
梅花百詠明本一覽走筆和之海粟驚服遂與定交卽是編所
載七言絕句也附中峯再和春字韻七律百篇海粟原倡已不
可考矣此本爲雲居僧房所刊乾隆中進之四庫館臣據以
鈎抹鈔入全書故有翰林院印不知何時退出也

天下同文前甲集五十卷

舊鈔本

振綺堂藏書

元廬陵周南瑞撰南瑞字敬修自稱濂溪之派吳澄作序頗不滿之大德甲辰廬陵劉將孫序其書目錄後有隨所傳錄陸續刊行似類麻沙坊估所爲標題前甲集恐不止此五十卷中所錄文頗有出蘇氏文類之外者亦足參觀舊缺六卷今又闕一卷有汪魚亭藏閱書一印

圭塘款乃集二卷

舊鈔本

陳仲魚藏書

元許有壬及其弟有孚子楨唱和之作至正八年有壬致仕歸得康氏別墅鑿池如圭形日與子弟觴詠得詩與樂府二百八十餘首其客馬熙追而和者數十首題曰圭塘備和前有至正十年鄱陽周伯琦序後有段天祐周濤哈刺台丁文昇黃昇趙恒張守正王翰陸煥然王國寶等及洹濱跋語有仲魚過眼一印

古賦辯體十卷

明成化刊本

元祝堯撰堯字君澤延祐五年進士官至無錫州同知廣信府志作萍鄉州同知未知孰是前有堯自引云古今之賦甚多愚於此編非敢有所去取而妄謂賦之可取者止於此也不過載常所誦者爾其意實欲因時代之高下而論其述作之不同因體製之沿革而要其指歸之當一庶幾可以由今之體以復古之體云前有成化二年錢溥序云祝君澤信之佐溪人嘗取漢晉以來古賦辨其體復取騷辭文操歌行等作有合於賦體者爲外錄凡十卷傳久脫誤淮陽金君宗潤守信得原集於君澤家命工復刻

國朝文類七十卷

元至正刊本

元蘇天爵編前有元統三年王守誠序云昔在冑館見伯修手鈔近世名公及當代聞人逸士述作日無倦容積以歲年今始

克就編撰天爵所錄自元初迄延祐正元文極盛之際分四十
三類至正二年杭州路西湖書院所刻前有淮中書省請刻咨
文移咨江南行省錢梓指揮王理李旅王守誠皆有序目錄後
有儒士葉森點校一行有秉德堂印

皇元風雅前集六卷后集六卷

影元鈔本

盱江梅谷傅習說卿采集儒學學正孫存吾如山編類全章學士
虞集伯生校選

前集習所採存吾所編習清江人后集存吾所續存吾廬陵人
餘則竝無考也前集首劉因凡一百十四家後集首鄧文原凡
一百六十六家所錄江西人詩爲多然往往有世不習見之人
與不經見之詩轉不得以編次無倫人或兩見廢之矣前集有
至元二年八月邵庵道人虞集伯生題辭后集有至元二年三
月盱江南窗謝升孫子順父序謂我朝混一海宇方科舉未興

時天下能言之士一寄情性於詩中土之詩沈深渾厚不爲綺麗詭南人詩尙興趣求工於景意閒此固關乎風氣之殊而詔其到處則不可以優劣分也編詩者當以是求讀者亦以是觀則得之矣

唐詩始音一卷正音六卷遺響七卷

明嘉靖刊本

襄城楊士宏編次姑蘇顧璘批點

士宏字伯謙襄城人書成至正四年虞集爲序始音惟錄王楊盧駱四家正音詩以體分爲初唐盛唐中唐晚唐四類遺響則諸家咸在焉士宏自序云客章貢得劉愛山家諸唐詩手自鈔錄審其音律擇其精粹總曰唐音凡十五卷其詩一千三百四十一首四庫著錄者爲新淦張震文亮輯注本建安葉氏刊有巾箱本書估稱爲元槧而提要云文亮仕履未詳殆必明人注極舛陋云云此嘉靖間顧東橋批點本頗豁閱者心目前有

璘自序璘孫履祥跋溫秀李裘並有識語

右總集類上

善本書室藏書志卷三十八終